







PL 2677-L8 1722 V.5



宜

故兼受賄賂不得實才此法甚非穩便已後除改卿

一並自揀擇不可信任諸司者臣以閣劣認當大任

臺省長官各舉屬吏近聞外議云諸司所舉皆有情

今月十七日顧少連延英對迴奉宣密首鄉先奏令

請許臺省長官舉薦屬吏狀

唐陸宣公集卷第十七

後學雙峰年羹堯重訂

中書奏議

冥堯重訂 太倉張

太倉張泰基同校金壇王汝驤

10 长.1

果速官誇上胎聖憂過蒙恩私曲降慈誨感戴循省

走一言、いまい

則趨競彌長而沉退之士莫升自非素與交親備詳 所由察其所安人焉廋哉夫欲觀視而察之固非 其才校勞考則巧偽繁與而貞方之人军進徇聲華 雖 所宜必行恭惟聖規又合無隱若有未達安敢 寢與不寧縁是密旨特宣不敢對眾陳謝祇禀成命 未探其志行閱其器能然後守道藏用者可得 沽名飾親者不容其偽故孔子云視其所以觀 難聖哲所病聽其言則未保其行求其行則或遺 知塵煩固不可已去理道之急在於得人而知人 夕之所能也是以前代有鄉里舉選之法長車 ラー ー 勿言

唯 周 大官得自東係屬之明驗也漢朝務求多士其選 成効者請而命馬故晉代山濤為吏部尚書中外 初 員多所啓授宋朝 庶官多由選 公府辟名而已又有父任兄任皆得為郎選 僻 署之制所以明歷試廣旁求敦行能息馳騖也昔 任舉充選此其明驗 雜居三署臺省有關即 側媚其惟吉士是則古之王朝但命其大官 伯 問為大僕命之曰慎東乃寮罔以巧言令色 部唯高位重職乃由宰相考庶官 以蔡廓為吏部尚書郎先使人 也魏晉已後壁于國初採擇 用補之是則古之郎官 7 有 而 皆 謂

蓋 宰 之官是則黄門散騎侍郎皆由吏部選授不必朝 列 医性な事 答云黄散已下悉委蔡廓猶憤恚以為失職遂 御史等官猶並列於選曹銓綜之例著在格令至 職然後上言語旨 宰 已上制 相徐羡之曰若得行吏部之職則拜不然則否羨 元中吏部 位盡合東在台 不刊未聞常參之官悉委宰臣選擇此又近事之 相商議奏可而除拜之也旨授者蓋吏部銓 勅命之六品已下 注擬選人奏置循資格限自起居遺補 司此其明驗 老 但畫聞以 則 從之而不可否者 也國朝之制庶官 並旨授 制 弗力 所命者

明驗也其後舊典失序倖臣專朝捨愈議而重已權 為鈍 盡當才豈不以薦舉凌遲人物衰少居常則求精 須任使常苦之人臨事選求動淹旬朔姑務應用難 廢公舉而行私惠是使周行庶品苟不出時宰之意 當謹守法度考課百官奉楊聰明信賞必罰庶乎人 過有急則備位不充欲令庶績咸熙固亦難矣臣實 使賢者各以彙征啓至公之門令職司皆得自達 且之知人之明自揣庸虚終難上報唯廣求才之 たとつうへい 則莫致焉任衆之道益微進善之途漸隘近者每 一無所堪很蒙任使待罪宰相雖懷竊位之 懼 路

調達 司 具爰初受命即以上陳求賢審官粗立綱 無滞 劾 亟 乃二十三 長官選擇指陳才實以狀 各於除書之內具標舉授之由示衆以公明章 須 之長兼副貳等官及兩省供奉之職 得賢則進考增秩失實則奪俸贖金或得則衰 失 總至十數或非臺省舊吏則是使府佐僚累經 加獎任者並幸臣敘擬以聞其餘臺省屬僚請 用 觀其所舉 14月 朝不乏才以此為酬思之資以此 熙兔非止搜揚下位 即 老 此義也自蒙允許即以宣行南宮 亦可 上 聞 閱試大官前志 經薦楊終身 并因察舉勞 為 制凡是 致理 升

薦 走上二百 協 間 存誠 德 宜 又未聞於關 事 復委宰臣揀擇其為崇任輔 亦可 其謀乃考其事事怨于素者革其獎而點其 既得其人慎謀其始既謀其始詳慮其終終 之盛者然於委任責成之道聽言考實之方 延多歷事任議其資望既不愧於班行考其行 猶 初者賞其人 必前定有疑 知矣陛下勤 恐有關 敗 而議者遽以騰口 所謂委任責成者將立其事 則 而成其美使受賞者無所與讓 求理道務 勿果於用 弱博 旣 徇 物情 用 上 則不復 採輿詞 煩 日 聖聰道之 因 謂舉薦 有 可 先 開 謂 始 擇 疑 難 事 那 聖 非

道 是必原其所得之由言事之失者勿即 辯言之真虚不可不考之於實言事之得者勿 聰 又察以情 也所 任必 必明辯為惡之端凡聽其言皆考其實既得其實 廣濟人之道欲知事之得失不可不聽之於言 者莫得為辭夫如是則苟無其才孰敢當任若當 之理稱 其說獎其誠如或矯誣亦真明罰夫 得竭才此古之聖王委任責成無為 謂聽言考實虚受廣納 既盡其情復稽於衆衆議情實必參相 人之善者必詳徵行善之跡論人 えー 马山 接下之規明 V. 調 非必窮 而 2 即 目 理 惡

言 吉 病 証 た上いういも 事管仲 也 率是 者 考實此乃謀失者 說 計不定 聽言考實不出戶而 固 而 恒 無輕信 必由 用之旋聞橫議 始 不壅聽之不勞無浮妄亂教之談無陰邪傷善 アノ 而 對 行觸 不 之昔齊桓公將啓霸 則 日 見欺之失無潛陷 能終害霸也與賢人謀事 得賢不 理道難成言不實則小人 類 而長固 得 而 能任害霸 知天 以辭 止之於臣謀不責成於橫議 無必定之計亦 下之方也陛下 其罪議 不辯之冤此古之 圖 也任賢不能 問管仲 曲者得 得志國家 而 以害 與小人 無必實 旣 以肆 固 調 納 害 所 聖 一點朝

仲 門言とは有 此 於 アス 當使 羣 其意性險 害霸也所 陛 尚 行 必 司 唯 信行 任 憂其害霸況又有言行難 趨近 所 然後 舉皆有情 所言之人 不責成言不考實之 マス 必果 利 ح 而昧 邪趣 謂小人者 **硜淺近** 以事質於 硜 尚狹 遠 詳 故兼受賄賂 硜 港 不克 陳所 然 圖 臣 小人也夫 劾 促 1 不 臣 以温 必 犯之 马山 1) 位復 弊 悉懷險該故覆邦家盖 通宣尼循謂其小人 信 議為出衆 狀某人受賄某舉 不 保而恣其非心 也 而傷大道 以事質於舉主若 聖旨 アス 得實才者 能 7 信於言能 マス 謂外 故論 アス 臣請 自 者 議 話 異 管 為 果 陛 乎

" The 擇 懲 首 幸宣小集 命 所 何賴焉聖旨又以官長舉人法非穩便令臣並 行其罰誣善者亦反其辜自然憲典克明邪馬不作 以暗投償如議者之言所舉多有情故舉於君 公議不出主名使無辜見疑有罪獲縱枉直同 絕私薦於宰臣安肯無詐失人之獎必又甚焉 知固有限極必不能編請多士 羣官理須展轉詢訪是則變公舉為 不可信任諸司者伏以宰輔常制不過數人人 沮百理之善經何必貸其姦贓 則據罪抵刑如或有詞則付法閱責謬舉者 備閱羣才若令悉 不加 私薦易明 辯詰私 自 貫 楝 E

省長官即僕射尚書左右丞侍郎及侍御史大夫中 久當朝選孰肯徇私妄舉以傷名取責者乎所謂臺 察屬所東既少所求亦精得賢有鑒識之名失實當 也 ア人 者 若訪於朝列則是求其私薦必不如公舉之愈也 將 瑟之責人之常性莫不爱人況於臺省長官皆是 於人若訪於親朋則是悔其覆車不易前轍之失 亦 承前命官罕有不涉私謗雖則東釣不一或自 ドーノーイオ 由 利害惟陛下更詳擇焉恐不如委任長官慎東 何浮言專任宰臣除吏宰臣不編語識踵前須 私訪所親轉為所賣其獎非遠聖鑒明 ガナー ブ 知今

議悠悠其感斯甚聖人制事必度物宜無求備於 丞是也陛下比擇輔相多亦不出其中今之宰相, 走上一三八十年下 擇愈少所試漸下故所舉漸輕進不失倫選不失 但 主 不能舉一二屬吏居宰臣之位則可擇千百具寮物 於此是故選自早 無責人於不逮尊者領其要里者任其詳是 類 擇輔臣輔臣擇庶長庶長擇佐僚所任愈崇故 是職名暫異固非行業頓殊豈有為長官之時 日臺省長官也今之臺省長官乃將來之宰臣 則詳知實行有倫則杜 遠 始升於朝者各委長吏任舉 絕徽求將務得人 無易 アス 則 類

舉職業不 則 求 進 門は上は相 則下無遺賢矣真于周行既任以事者於是宰臣 荷取 一倚任 責實军臣之序進是也求不廣則下位军進下 進則用常乏人用常乏人則懼曠庶職懼曠庶職 廣在於各舉所知長吏之薦釋是也考精在於 於不廣求人之道而務選士之精不思考課之 則 別能否無別則砥 備員是以考課之法不暇精也考不精則 之則 朝無曠職矣才德兼茂歷試不渝者然後 舉則品格浸微是以賢能之功不克彰 海内無遺士矣夫求才貴廣考課貴 老一 礪 1 漸衰低 礪漸衰則職業 能 位

試其 端 流未見其 貴精 進 拔 いは明 非 退皆速不肖者旋點才能者驟升是以當代 而望得人 之 瑜前哲 3 明 擢 於選士之道豈不傷於容易哉然而課責既嚴 但 一生 人得薦士亦得自舉其才所薦必行所舉 其理往者則天太后踐祚臨 弘 累 劾 委 可臣欲詳徵舊說伏恐聽覽為煩 而得 朝 也 之美是以望得彌失務精益廳塞源 陛下誕膺實曆思致 賴多士之 任之意開汲引之門進 之盛未逮往時蓋由鑒賞獨 用 此 乃近 理平雖 於求才貴廣考課 朝欲收 用不 疑求 好賢之 人心尤 粗 舉 訪 謂

則 聖 防雪 於 遂使 制 苔 謗 法 慎 聰 為 録 搜擇煩 長補 東之規太精 沮 容 法 制 利 211 先進者漸益 其 則 互 也 不一之患也 而 起 務 所易者適足 短 之オ 精於選才則所精者適足 用 難於公舉 則 天 以情 而失士 下無 行 表十 則 凋 則 自 有憎愛 昔 廣得人之資 瘡 4 訛後來者 但 天舉用之 不 速登延之路罕施練敷 是 用 洧 罕全苟有 之人 立成 趣 知 雖易於舉用 有 此 法傷易 不相 異 責短捨長 乃失於 所長 同 不為害 接 梗進賢之 假 續 必 使 而 得 有 而 選 施 則 聖 也 如 不 所 天 途 陛 短

實不 道廢聽小人 君子之惡小人將察其情在審其聽聽君子則 周 重於庶品精擇長吏必以為愈於末流及至室 規長吏薦士陛下則 鄉人皆好之何如子曰未可也鄉人皆惡之何 日未可也不如鄉人之善者好之其不善者惡之 賢如楊 以小人君子意必相 輕其言待以輕者重其事且又不辯 所議之短 墨求諸物議孰免譏嫌昔子貢問于 則君 子道消今陛下慎選军臣公以 長人之多言何所 但納横 反其在小人之。惡君子亦 議不稽始謀是乃 至是將 所毁 孔 臣 任 11 2 虚 為 如 如

切言固非為已所惜者致理之道所感者見遇之恩 輒 無所指其手足豈獨選任之道失其端而已乎臣之 尼宣心集 因陳謝布露以聞 老十二 惟 陛下幸察謹奏 ti

何 漂 或 慙 右 血印 須 走上三 公主 說 輔職 悉與 恐長 遣 惶 涓)]] 頻 排 使撫 陛下 瀆 請 所 得鹽鐵 遣使 女女 申 救 沢 調 アス 陰陽 欺 轉徙之糧 張或谿谷奔流淹 德 綏 報 僶 轉 邁禹湯 俛在 臣等 陛 臣宣撫諸道遭 符 運及州 下尚 同 物失宜 公 旬 但 喪亡 恐所 謂 不 恕人咎己臣 日已來 縣 詢 敢 流離 F 申 問 聞 頻 水州 没 曠 報 更審 來 煩請 聖聰或未盡陳事 數 斯 霖 田 罪前 苗 縣 等 雨為 所 在 亦非 借 損壞廬舍 狀 每奉詞旨 損 五 訪 行 災 殊 者 少臣等 類會行 彌 1 愆度點 面 月 陳 即 又 事 倍 任 議 旅 有 責 處 光品 止 體 優

其 聞 與 医是里 矣蓋 下之 誤 俗之 母 等 者 私 之 臣 心希 屢訪 言 則 視 孔 比 1 幸 肩 獎多徇 聽 子 則 魚 1) アノ 所 對 尚 頓 其事制備失 也昔子夏 至尊之旨其於情實固 朝 人之 異霖漆 願事皆 且 曰 列 諂諛 四 相 多云無 道子育為心雖 方 媚 港一 覆 揣 問 有 況乎事 非 驗 可 害 所 敗必 所悅意者則修其言度所 於 恒病 孔子日 則冀言 諱之事精紳 於 先 或 物 曖昧人 於 知 YX 1 不易 為 斯 深 何 無 詐 居 斯 初 如 不 或瑣 斯 欺 皆 聞 足 可 午口 九 諸道 重 有識 大 謂 致 如 可 謂 明 微 懷 斯 慮 照 水 2 退 2 アノ 流 臨 利 省 惡

聽 今水源為敗綿數十州奔告于朝日 類其鑒照無 先生かり、いまた 表雖 苦 徇 免徒失事體無資國儲恐須速降德音深示憂憫 況災害已甚申奏亦頻縱不蒙恩復除自當準 2 之必聞 四 支 聖王能以天下為一家中 往來之浮說忘惠却之大献失人得財是將焉 固宜降旨優於償疑其詐欺亦當遣使巡 其疾病 恒處安樂而憂及困窮近取諸身 知上澤之必 不均也故時 無不恤 至是 也遠取諸物 有 アノ 凶 害 有母之愛有父之 國為一人 而人無流亡恃天 月 如 兩 相 曜 用此 如 繼 若 之於萬 術 體 京 視

益野 思霈澤 者 死 不失人何憂乏用 門生人は 地為本陰陽為端慶賞者順陽之功故行於春 罰者法陰之氣故用之秋冬事或愆時人必 减 聖思允 亦委使臣與州 使臣與州府以當處官物給付其損壞廬舍 及漂沒居產都盡父子不 道命使明勃弔災寬息征 租 下 稅 從即具條件續進臣又聞 施孰不欣戴所費者財用所收者人 如 此 則 殁者蒙瘞酹之惠存者 雪煦 嫗 臣等已約支計所費亦不甚 府據所損作分數等第聞奏量 オート 徭省察冤濫應家有 存濟者各量賜粟帛 聖 作則皆 心若 多堂 雁 田 苗 與與

幸宣公非 陽之運行自序臣等不勝親災慙負之至謹奉狀 遐 或 行冬令則後乃大水敗其城郭典籍垂誠言固不誣 是以月令所載夏行秋令則苦雨數來丘陽水潦 頃自夏初大臣得罪親黨坐累其徒是繁邦憲已 天人同符理當必應既有繫于舒修是能致于災祥 宸嚴未解畏天之怒中外竦然若以月令推之水潦 是其應雖天所降冷不在郊畿然海内為家無論 通伏願滌瑕以德消冷以和威惠之相濟合宜 以聞謹奏 陰



使 盖 貢廢闕責當有歸在於編此豈任其咎陛下息師 未至常以善救則無棄人自希烈亂常污染淮 右 垢宥彼渠魁惟兹下人久罹裔制想其<u>翹望</u>聖化 た上い 、 使宣命本緣如患用災諸道災患既同 亦有足哀傷價弘善救之心當較納隍之慮今者 得其所者若已納之於隍故夏禹泣辜殷湯 奉進止淮西管內貢賦旣闕 此 以率土之內莫非王臣或有昏迷不襲是由教 道亦不要遣去者臣聞聖王之於天下也人 論准西管内水損處請同諸道遣宣慰使 所緣水損簡擇宣慰 朝廷弔 引 甸 血印 有 含

門軍が集 與之惠公信號射之謀違慶鄭之 饑 異 如 歲晉國復 終於秦穆霸强晉惠擒辱是 勿與慶鄭日幸災不仁貪愛不祥怒鄰 離 乞 豹則請 且 羅于晉晉大夫號 日其君是惡其人何罪遂輸粟以救 恐非 使慕聲教者絕望懷反側者得 因 流行國家代有救災如 所以為計也昔晉饑乞雜于秦大夫 饑秦伯又饋之栗日 而伐之穆公用百 射日無損 里奚之言拒 議遂閉 棄怨而施惠者可 吾 於怨而益 鄰道也行道有 怨其 詞棄人而 君 不義不 之 糴 其 於寇 丕 而 アス 豹 百 絶 後 固 里

議者多謂淮右荐機國家之利臣等愚見以為不然 償又難於用兵望其艱窘自獎利害之勢或未可知 必若與有征之 邦 方亦足生患竊以帝王之道頗與敵國不同懷柔 阨 速 懷敵計利而忘義者罔不失人此乃 血印 悍獸之情窮則攫搏暴人之態急則猖在當其迫 通從 之時尤資無取若得招攜以禮便可底寧備慮乖 唯德與義寧人負我無我負人故能使億兆歸 鄰救災别君臨天下而可使德澤不均被者乎 化猶有免迷不復必當人思同誅 師問不庭之罪因災幸濟已爽德 9 列國諸 此其自 政 萬

責帥及人恐未為允伏惟聖鑒更審細裁量其所擇 諸道使並未敢宣行伏候進止 覆亡尚亦不足含怒今因供稅有關遂令施惠不 陸宣公集 卷十十 급 均

前 不善縁 攝 放 者意旨 アノ 朝 走上のり、いまに 得盡中 有言相 過恐卿未知 政自有不臣之言又諸子皆與古帝 日 廷卿宜密 顧少連奉諭密旨每於延英對鄉縁有諸 謝 密旨 自 得令近 非諸子之過不 手 間 拒 疏密 亦 因論所宣事 卿所奏去冬薦人實縁 知 不 兵馬者猥蒙天慈屢降深日慰 朕意此人即苗晉卿之子晉卿 此 封進來 意苗粲兄弟並改 是 阻 卿之意若有要便事 欲明行斥逐終是不合 卿又頻與苗粲進官 對趙憬執 與在 王 外 同 但依前 名 開 論 意 朕 令在 往 僻 甚 年

疊 終 四四百 許 軀 淹 而 所 15 集 持 語 滯 難 保 又 臣 並 無奇 渝 雖 容 諭 一个典 言品 理 所 唇 周詳 臣 合量才 夙 俱 2 アノ 掌 夜 微 頃 報 必 崛 因 2 能 骨肉之 對 無 匪 樞 アノ 此 去 隱常情 劾 衡 奏 授 愚夫一 懈 不 唯當 冬萬 老 陳懵 官 是 激 參 奉 恩無 皆常分曷 進 廟力 至 輸罄忠節 擬 至 於 2 所易 頻 於 マス 猷 而 村 再 量 彌 事 = 於 不 加 未 街 易者 綸 當 消 足 推 此 蒙 無間 臣 匡補 劑州 庶 士 理 衢 感 績 披 必 思 輒 允 也 訴 自 許 惟 聖 督 發 不 知 伏 課 猷 揣 旣 明 E 回 知 アス 尚 慮 趙 是 主 衆 奉 避 冏 凡 庸 合い 準 憬 矜 事 然 官 轉 捎 制 貞 與 亮 始

(

隱之誠 常顧惟 者 虧 走生言しいま 惟 如 臉 無 也人皆 之内尚有形迹 而能復 私 也其或有過 天之無私覆 趙憬得聞陛下已 以勞天下平 何人 陛下特宥悉愚曲 以申上報之分 無損於明過而能改 仰之日月 叨幸若 之 如 也如地之 拘職 不 日 此 平荡荡無側無偏 ·疾于蔽 月之 偶有 臣聞 至 加獎導龍遇踰等恩私 同事殊鮮克 有 一勞神委 無私載也 所見敢不盡言是彰 王者之道坦然著明 不累於德昨 蝕馬過也人皆見 虧 君 曲 所謂 不各於 如 以濟恐爽 防護是於 E 月 者 無 過 臣 2 奉 無 無 私 無

四里少年 能 乖 之 加 歷拾遺補關起居員外郎中前後二十餘年温恭 私 在 為惡者懲是以爵人必於朝刑人必於市 通路 義 堪 夏爱 恪慎 納 之德且傷不吝之明夫元首股肽義實同體諮 仰希 於獎一善使天下之為善者勸罰一惡使 處近侍陛下以祭 類不忍明加斥點但令改授外官伏以 沃 無怠端敏足以守職文學足以飾身詳 日萬幾宣之使言猶未盡意言若 旣難機務斯 聖聰更賜裁 老十十 先父常有過言名 壅雖荷綢繆之顧實增曠廢 處苗粲少以門子早登朝 子之方 有阻義 理 惟恐衆 其 國 化 器品 有 班 何

空言公東 誣傷善售数莫斯為甚伏惟聖鑒之下必無浸潤 棄其人何必明言責辱詞皆近於情理意實苞於 虧為害滋大凡是語親之輩多非信實之言利於中 俸之門路中傷則在直莫辯而讒問之道行此柄 宣明典章與天下公共者也獎而不言其善斯謂曲 議受賞安之無作色當刑居之無怨言此聖王所以 妨須為隱忍或云惡跡未露宜假他事為名或云 傷懼於公辯或云歲月已久不可究尋或云事體 之不親事之不彰君上行之無愧心兆庶聽之無疑 貸罰而不書其惡斯謂中傷曲貸則授受不明而 矯 但 有 恩

阿宣 求 宜 等受 罪 加 憲豈令陰受播遷陛 流 之責 夫聽 則合隨 床 然於稱毀之言不可不辯賞罰之典 責也 以情 逐調 錮 い人晉 訟 也情可責而 於聖 惟情見跡 跡 辩 才獎用 卿 2 朝晉 可責 榆材則失 議貴於明恕 跡實姦邪粲等法應坐累則當 老十 而情 卿 不宜 跡 具詞服 銜 下若察晉卿 可宥 可矜 憤于幽 序謂之行罰則 降意精防今忽 明者在 理 聖 聖 窮者然後 王懼 壊以 王懼疑 驗之 見誣又 逆 臣敬滯未見其 於之 似 YX 不 無 之 跡恕者 名 可不 示 知 陷 繁等 刑 濫 徒 端 公議 罰焉 無罪 非 使 由 明 辜 典 非

當 露 構成飛語務欲挫傷大抵 為累豈復含容至今恐有無良之 YX 自文儒 情 諒 臣寧忍及 自陛下御 不臣之言 聖不免流言霍光之忠亦遭告計向 闇之辰 既無端驗之以跡 無冤人 致位台輔 攝冢宰之任是將備禮豈足擅 招覆族之學雖 此 極已來粲及兄 假有忍人之意其如言發禍隨 無謬聽苛慝不作教化以 能 以謙柔自 又無兆宜蒙昭恕理在 任重勢疑易生 甚在險猶應不為 不皆歷清近若 徒惶嫉 處故為三朝 嫌謗 非 丕粲兄 權 興 以舊 晋 安 所 求 矧 E 疑 弟 周

實 負 間 陛 寤 鞭 絶 此 厚恩尸 常 宣 連 安 諸道饋遺 靴 羣 略 凡 下 追懷 能 帝 情 所 12/1 2 又 臣 向 舉措 孰 類 庶 無 保 受亦 往 欲 免 臣 明 說云 所以 負 於 事得失豈 任 却 安可不 則二主 無妨 恐事 戾豈唯 旣 恱 悉 聖旨察 深 況 者 詳 情 克道等楊 自 臣 2 性實 伏 伏 苗 德美不 刻 不 --不 以貨 相遠 願稍 慎 通 臣孤 氏 勉 如 風 凡 傳二 族 留客 哉後之視 修廉隅者 鄙 賄 貞 不 為寧、 存殁幸 猶 2 能 俗清 利 謂 臣 納 思特 一州 志 清 諸 2 顧 耳 冤誣 今固 私家 蓋 慎 賴 財 目 加 省察 太過 物 由 之 而 本 負 莫 娱 P. 亦 至. 都 戴 如 窶 斯 乎 如

無補 過 七上一一八生 國 誠若因 誠 息征徭濟人窮困若無恥懼更啓賄門是忘憂國 乎公卿大臣之間方岳連帥之任豈資納 聖明 求遂之則法度浸壞阻之則觖望彌甚為害 逞無厭之求巧陳異端感亂聖聽稽諸事實則 然夫以胥吏末流苞直微既苟或違道臣猶 何 大猷所真免胎深累陛下責臣以清謹太過 賴焉高祖太宗著法垂制 仍速焚身之禍由是苟行特標 陛 財利交歡是以姑 下慮事之不通有乖理道或恐貪林之 息為事旣乖直道 監臨受 杜絕交私誠 賄 盈足 賄 然 如 必 知 斯 甚 有 慙 知 此

或 傾 為 吏 門軍以集 犯 也是 之固 贓 其 為罪不可容朝 之微 為之然後 為以導下也 賄 每發德音數宥下土大辟之屬皆蒙滌除唯 往 往 人之表 是亦 曲 其 尚當嚴 道 理也又可禁乎今吏有受監臨 不赦豈不以貪饕為與殘蠢最深 無 可 林尔 也 那 以設峻防真明辟 則 上 廷之制 邇 所不 而 矧 邪若 不 居 臣 ·恕者 風 不 為 四方 可 い人檢 化之首反可通 不慎 臣 歟 邇 孔子曰大 所 下 也是 也上 臣可以受財 監臨也而宰 若 上為之而 所 人人之 臣 行凡上 之 不 道 賄 為 至 一於 則 也表 者 可 司 而 則 於 亦

鞭 屯 生豆 公集 渡 食 恤 力 州 方誅 百萬 靴之 貪風是令已困之毗重遭 人之 之 忍 州 案察熟為不 厚禄者當憂隱 恩凡 死 取 類受亦 之師 アス 肝 求止於鞭 之於縣縣 四十 供 腦 筋髓 十倍之賦 坐受衣食農夫蠶婦凍 無妨若 九年矣荐屬多故 可 朝廷 靴 耳自大盜猾夏耗戰生人天 取 畑 长十七 之於 細 妮 使 物 憫 取 日 鄉鄉 行之 之於 天下納 E 愧黎庶 過 引 方鎮 分之擾陛下 頸 將安取哉是皆出 有加 望觀 足 賂 而又交通 唯 以傷化絕 而織餒 方鎮復 無廖持 昇平之 有二三 尚 而 私 宰 利 化 耕 下 rl 賄 權 常 惠 殫 扇

淨 失 必 臣 足 貪求 有 以貨 何有 無欲之風守 所 以濟天下之務則 致 累求得當欲可以 甚 理 利 以未敢奉 事情 賄 損故也亦其陛下詳察其理普澄 必 下 布 則臣固已微抑私心 **資饋遺通情辭** 之多 則 不通之患乎夫貨賄上行則賞罰之 廉 沙 慈儉不貪之實是 部冒昧塵 取之道衰何 為課績之重 臣 釋罪 固 煩者審知此道 亦 之足以失天下之心受之 賈榮 不 者善惡不分功過 輕守道關供 避汙行 將 忍行刻 將感人心而 順春旨矣若使 助我 利 其 不 者 或 聖 源 唯 見謂 時 無益 功 弘 柄 國 無

逞 好 靴 害於大易於始 可 車 達末 私 利 於涼其獎猶 では禮 已與交 東車 欲 巧飾 則 已 遞相 必及衣裘衣裘不已 義勒不 下思聚銳 既差 玩好者或 私 興 企 丘 固 不已必及金壁 貪作法 効習以成 者 可 山 難 上 必悔 アス 聚釁自首國家敗亡多矣 中 求 稱才智 刑 絕 賄 其意是以涓流不止谿壑 於貪其獎斯 法懲此由廉 於終賄道 則 風間間 下 沙沙及 此謂賞罰之柄失 E 肆侵蟊 見 幣帛 日殘 可 開 耶 亂 欲 展 之道 幣帛 紀 不 利 何 懷 轉 綱 能 於 愢 衰 1. 滋 何當有 自室于 不 E 壞 甚鞭 س 也 者 巴 也 但

鄉 蓋常 門にとった 見 rl 則 有 之哉 絜矩 有 閣 約失之者乎臣竊 其善 咸 拒 虞故為 而 知 所受有 復 不 假 不受者 交利 通 願 如 足 何 輸貨於 安身 馬 所 敦 嫌 四 却 方 乃 四方 阻 理 私 光 二端 俱 保 2 朝 化 郡 有 俱 賂 位 料 則 廷 乎陛下 之謀 府 之常 胳 於朝 郡 相 自 府之 也 建 于 反 其 但 則 不 理 朝 廷 中 所 若 不 遇 朝廷受其三而 得 アス アノ 耳 廷 也 行 不行 願 朝 却 適 陛 來 謂 者或 行 股 問遺 2 所 廷 下 者 賄 俱辭 耳 肱 アス 何 夫豈 服 於 有 有 耳 可 朝 意 利 其 而 目 YX 却 樂 陛 疑 不 廷 2 通 13 不 行 猶 間 受 物 而 其 而

嗣 息之 贖貨 虧 洽 殱 位 困 暴賦今日 器 雍 於 夷皇運 刑 理 熙追 峻賦 往 アス 初 也 望使萬 感 王 躬 日 懷前 繁兵連 陛 罷 與復征伐 綱 邇 此 方黎 節 則 臣 下 征 雖 無受賂 權 修皇 斯 伐 儉 革一 獻當陛 禍 郡 也 不 亦誣 執 用 困 之 結 國 獎亦 大權 役 心熱 之事 無來 私 理 求 頗 功中否 行 是 喪一美 獻 休 息於前時清約 而 四 議者反 方 明 乃 朝 私 之代 任 殘瘁之餘 風 廷無 至 之甚者 其 馬墨 化 動 未疑 幾致清 私求 不登富 1) アス 數 納 乎 興 師 洎 賂 通 無 風

寵 乎戒 又曰 駱彰 者 者 以莅衆庶也 記云凡為天下國家有 之懷諸侯者蓋有其道矣唯不 洒濯 情以持公器則姦亂之釁生故春秋傳 長 懼 徇 也君人者 室 國家 而不 于私情任小數 其 則諸侯貳言貪欲之不 13 者 敢 又曰國家之敗由官 以待之而後可以 将昭德 非 易紀律言賄 無 賄 塞違以臨照百官 而 2 九經其一 御 難 無令名 利之不 大權則念戾之禍 理人言 務賄然後 日 邪也官之失 可以懷諸侯 之難 可以 理 私 諸侯 百官 化 曲 得之故 在 百官 2 德 起

貴 陵夷 聘 斯 郡 德賤 於縣 遠 國 之禮 幣之禮 時 者歸 廉 然 朝 天子微諸侯 財 一副矣 節 後 厚 利 廷益尊 滅 之風 於 訓 往 懷 於 是皆 是 往 而 絕 ム 以尊讓示人以 薄 議 所 漸 也 私 知 傷 僭 則 來 去 謂 廣侵漁之害 無 而 於是 徇 所 賄 賄 厚 化 風害禮莫甚 自上 者莫先於 2 其 私 以懷諸 角送 情盛 相觀 致 流 也 之資 誅 侯 及夫 不 理 不 アス 貨 萌 也 由 君 於 求 是 於來 主 斯 王 下 里 而 相 崇饋 綱浸 于朝 濟 間 和 務 暴 將 懷撫 獲 也 於 物 近 アス 壞德 則 安 獻 廷 愛 殘 利 者 薄 故禮 脫 郡 行 而 莫 服 國 助

愚直所以每事獻替不以犯 裨 理者莫切於輔臣然則君主輔臣之間固不可以 唐陸宣公集卷第十七 慙悚謹奏 に生な事 補苟懷疑慮不敢 於私賄矣況又躬行乎臣以受恩特深志欲巨 因循亦賴遭逢聖明庶得 竹為虞意懇詞繁伏 竭 盡 語 細


地當要會俗號殿繁交易之徒素所奔凑今忽拾 依 事大實懼關供臣令欲差判官就安南收市望定 嶺南節度經略使奏近日舶 唐陸宣公集卷第十 者遠國商販唯利是求綏之 使 與臣使司同勾當庶免隱欺希顏奉宣聖旨宜 書奏議 論嶺南請於安南置市 後學雙峰年羹堯重訂 舶中 船多往安南市易進奉 斯來擾之則去 使 太倉張泰基 狀 一壇王汝驤 廣 同校 州

使殊失推誠 法宜當責事 使悉是王臣若縁軍 徇 珠 示貪風於天下 曾 而 孰 飛境外安可復追書曰不貴遠 趨 欲 無内訟之意 敢 如此宜其殊俗不歸況 遠棄中 關供豈必信 之 固 而就偏若非侵刻過深則必 體 難 延 更與出位之 又傷賤貨之風望押不出 依 賄道於朝廷黷污清時虧 嶺南而絕安南 國 且 嶺南安南莫非王土 所 須皆有令式恒制 又將蕩上心請降 思玉毀櫝中是 物則遠人格今 重中 抬 使 中 懷失 アノ 損 將 思奉 使 輕 聖 中 誰 旣 使 所

曠廢 部 追 追 計 右 稱 又 資望 侍 到 李 2 近 杜 緣 於事 司當 改官 城 衡 佑 班宏喪 郎 論宣令除裴 請授 盧 數 如 会 今 才 截 材 月方 亡 得 亦 李 給 臣 所 不 衡 事中 堪獎 到或 臣 切常 擇 関 相 今 當 延齡度支使 試 李巽並 且令 恐綱 任 日 其 則 須 與江 待 街 聖旨 面 能 曾掌、 權 李衡 條 制 取 兩 進 點 西 弛紊錢物隱 判 アス 止 判財 吏 追 淮 若 2 到 中 今 颜 別 取 南 不 當 賦 商 李 未 可 理 必 稱 斯 衡 量 可 各 有 此 有績 職 移 選 欺 者 颇 可 須 總有 李 動盧 關 便 分 取 臣 除 陛 旣 巽 用 レス 徵 免 回 沂 四

寬 躁妄 物 有 判 稱 官 穩便 無 教 賣司 支便 懋遷豊敗 恤 朕 顏適宣進 公許依 女效若 虚 多言遂 人今之度支兼 更思量 進 理 力口 所奏施 本 非 擬 ア人 港 正司農 其 饋 家 非不俊 相 狀 止 李巽 補 來其李衡 餉 宰 邊軍 不 利 制 1/3 行臣又 害關 堅偽 可 國 卿 此 知 資給 度支 裴 輕 用 退 量 無 授 黎 柄 亦 延 禁旅 恐未 裴 元之 從 蠡 更詳思 準 恥豈 延齡 為 追 甚 平 性 刻 萬 相 獨 出 取 公 命 貨 者 清 當 アス 吝 解 司 費省 為 識 則 均 徒 伏 有 且 立工 無易 掌 生 而 患 與 繫 邦 周

朝 朝 愚 微 兼 楢 献是 慮 為 謁 經 誠 臣 延 流俗 知 更 乞更參詳 所 齡妄 見未 於四人之中 將 人之明 所 取笑 誕 嗤 周 小人 四方 去邪勿 趙 亦恐傷於聖鑒 頃 憬 列 選擇 班行 胎 任 眼 疑 之交 疾 殃 漸 已塵清買更居要重必 取其尤者庶諧 北庶尸禄之責固宜 天下幸甚謹奏 廖 駭 後 伏 物 願 日 聽 重循 臣 即 合 雖 前議 愈屬 假 熟 八滿待 知 及 俯 不 於 其 可



與 湖 宜 精 商 並當臺閣 無 衆 别 南 量儻 商 接 顏 足為慮 兼 敏罕傳 論 無異 近齊 奉宣 量者齊 鄰接方鎮今之韓潭全義密通軍 齊 · 映齊抗官 許 暎齊 進 掖 移 妙 聖 但以中 一朝推 暎齊 鎮 選 止 垣 之駮 臣 抗 卿等所 江 等 誠 西 朝 抗 旣是當家 亦是 議 先請授暎禮 同 要職常苦乏人至 致 姓 進齊晓替李衡 司言南宮之掌賦承轄 理未曾先事示疑曩 漸 别 房旣 同 加 任 思獎齊抗 方面 非 HATTA TO 部 聖旨 五 事 緣江 服 城 如 会 文 暎 此 非 學 南 2 穩 且 抗 例 親 李 則 甚 向 便 與

				行必有可觀可否之宜伏候進止	居其任旨謂當才若蒙追赴關庭試加顧問察言稽	アードノノイア
					察言稽	

200 Mg

臣伏見陛下每垂睿心經略邊境增築城壘加 請減京東水運收脚價於緑邊州鎮儲蓄軍 事宜狀 置

輓 儻遇水旱為災粟羅 判貴党配 則 固 其為憂動可謂至矣其為資費亦以多矣蓋以安 未降意良圖但任有司隨月供應近歲蕃我小 兵至於春秋衣裝歲時宴犒先後遅速悉由宸東 力彈或饋的路絕則成兵雖聚不足恃城壘雖 穀屬登所支軍糧猶有匱乏邊書告關 國不憚煩勞此誠慎慮之深者也然於儲蓄大 匪如寇擾淹時或負 相繼于 朝 息 計

固

常聞之矣屯師而不務農食者未嘗有馬今陛下廣 錯論安邊之策要在積穀充國建破羌之議先務屯 志 斛達于邊軍遠或費錢五六千近者循過其半犯雪 於度支者尚八九萬人千里饋糧涉履艱險運米 貢其謀攻守異宜盛衰殊勢柔服而不勞師旅者則 乃理有必至而事無幸濟者也臣竊為陛下惜之軍 甲兵分守城鎮除所在營田稅畝自供之外仰 歷代制禦四夷常為國之大事勇者奮其力智者 克居是使積年完聚之勞適資一夕潰敗之辱 雖 有石城十仞湯池百步無栗不能守也故見 えーノ 此

尚 残 霜 理 至 非 由 傾 常 成卒未多邊農尚寡今則 將 結對率 失 而 財 戰家之苦 而 非所 耗 好 帥 用 無糧守 固亦 諛者 不武 國 而 之煩 虞 絶 竭 其醜 意而 亦 物 必 必 冒 アス 豺狼 臨 カ 因 類 為制備 日 不 當結對入 越軟 匱之得解其事 難 固 猶 不暇思也夫屯 矣遇寇 剽掠 苦 有 封 之 啓 日給 疆朔 之虞 規臣竊謂疎矣 敵 应 納 不守 之不 甲 梅之 八四時 兵 方 之 大 日 未 五 則 兵守土 充其於儲 備稼穑 遇 原相 遥足為深 禍 如 2 所養非 勿屯 賊 間 繼 アス 沘 頃者吐蕃 無 備寇 苦 淪 作 平 屢 E 戒 堂 陷 亂 所 居 アス 備 雖 用 tt

当 與 封略不壞固非成謀然則鹽夏覆而靈武全唯 運 規制之方 夕 初寇犯靈武禦則寡力守 於曩時勢不同等臣請復陳近效以質浮詞今年 矣令邊農之廣於往歲臣亦知之 不幸 有 不曰昧理而好諛乎今成卒之加於往時臣 に上ノノを丁 司為之請罪陛下為之較憂遠擇使臣奔波 之間 於指置乖當蓄斂乖宜 以資用高價以招人賴蕃我自旋糧道獲濟 所謂同歸於失矣議者是當今而非 耳 是皆無不拔之勢有可駭之危其為 則乏糧告急求哀匪 利 矣其所 所生 害亦隨 調歸 在 朝 固 旣 伊 夏 知

城之將 揚威聲海内咸望有必攻之期矣既而統 鎮亘千里之地莫相率從緣邊列十萬之師不設謀 故 一每至犬羊犯境方馳書奏取裁行李往 比蒙徵發救援寇已獲勝罷歸 哉夫將貴專謀軍 驅掠人畜是乃益兵甲 也 失權成卒不隸於守臣守臣不總於元帥 人保境此誠雄武之英志覆育之仁心 陛下 旅之 忽蕃聰之暴掠懲邊鎮之空虚繕甲 兵各降中使監臨皆承別部委任 尚氣勢訓齊由乎紀 而費財用 小 竟何 則 踩藉麥 律 補侵 來 刷 師 至有 憤 動 無律 制 軼 益 瑜 恥 制 旬 而

擇人而任之則高枕無虞矣吐蕃之比於中國衆寡 廬 如 於機權是以兵法有分聞之詞有合拳之喻有進 垂永久出 奉将若 朝 離析夫 由 敵 然後 一之令有便宜從事之規 則 將 工拙 謀議多端 而我之節 可行寇讎護旺庶蕃畜牧闢田疇天子唯 部分離 則 不 四支之衛 同力 侔 然而彼攻有餘我守不足蓋彼之號 居 析則紀律不一 制 而機權 則 在 頭目將 朝彼之兵衆合并 同心患難相交急疾 多失 故 之守境若一家之保室 臣 能 故 而氣勢不全節 動 日措置 作協變通 而我之 人相赴 乖當此 制 部 兵 退

邊 制 使 於農夫其或有力而 而 YX 犂 將 守 無屯 謹 院 慕 法 謂乎陛下 有司識重輕之術 備益嚴 順忘國家制 牛 視豐耗善計 以省運制 爭趨 田 自然成本忘歸貧人樂 課責之勞 果能 頃以邊兵衆多轉 厚利不 與人加倍之價以勘農此令初 備之謀 用 收積菽麥必歸 2 而 無資願居 弘久遠之謀守之有恒施之 憚作勞耕 足 儲蓄 行市 謂長算 自廣無徵役踐更之 徙 道苟且之 而 稼 魄勞費設就軍和 可以 旣而 靡措貸其種食 於公廪布帛 日 滋 有 足 栗麥歲賤 司隘、 意當稔 食 可 容 悉 アノ 擾 實 有 向 而 假

高下隨喜怒之心精廳在胥吏之手既無信義率 軍城取高價於京邑坐致厚利是繁有徒欲勘農 揆 願 裘絕野蕭條無所貨醬且又虚張估價不務準 誠每至 亦以偽應之度支物估 以俟 乏糧 親羁遊之士或託附邊將或依倚職司委賤羅 羅者則務裁其價不時斂藏遇災而艱食者則 不獲饒欲省費而費又愈甚復以制事無法示 公 抑使收 和羅之時多支締約充直窮邊寒冱不 私之乏困乗時所急十倍其贏 羅遂使豪家貪吏反操利權賤取 轉高軍 郡穀價轉貴號 又有勢要 莫 而

羡 貨 綱 億 欺 府 兵 明 邊諸 今食 承詐以 餘 图 萬 條轉成囊素至有空申簿 為 徵 安若遇歲儉兵與則 臣故 功利而不察邊食之盈虚軍司 不顧憲章互相制持其可禁止度支以首 有餘考其實則百十不足巡 而不恤農人之勤苦雖設巡院使 州 則 上聞幸逢有年 無儲兵則之帥 日蓄 頻歲大稔 斂乖宜 穀 報豐賤殊異往時 此 必 立 復 謂之有備其可得乎 2 遇無事吞聲補舊 帳 謂 至危迫靈武之事足為 僑 也邊之大事 院巧誣於會府會 指国倉計 http: アス 所 相 得 監臨 北 其數 在食 加 乃 價為 售滯 旣 引 近 與

官錢 職 國 鄙 寢 垂 使 事 府 傷 薄庶或裨 時豐稔邊城加貯軍 有 家永固封略之時也而尚日不暇給曾無遠圖 委之平雜 何 臣謬當任 司之分敢忘憂虞 歉食 不廢 而 可 追臣是以屢屢塵煩所惜在 不 恤 之詞禮人有悔耕之意天贊而不受其 耳 使待罪 其窮及凶災流行播 務農性 目 補萬分不勞人不 之娱不節浮兄之 樞 下以 凤夜疾心盡 糧有 衡雖神 理貴因循未賜允許又請 司 武之謀 變法不 アス 經費無 植墮廢雖復悔 用 如焚灼 唯 此頃請 於漕 不資獻 加 餘其事復 賦 颠復 擇人 運 稅 納 劾 利 充 軍 其 而

萬 歲 稍 蓋寡習聞見而不達時宜者 禄廩邦畿之 アス 方輻 推 入之儲 為 淮 間收貯總畢轉運常行之務旣無失於舊規太倉 權 故承前有用 上陳惟 艱急之備陛下誠能聽臣愚計不受且傷 湖風浪之獎泝 輕重所宜請為陛下 輳 亦不闕其 稅給 殷地被不足相資加以六 陛下留意省察舊制以關中王者所 斗 用不充所 錢運 恒 河渭湍 數圖慮至熟更無所妨謹 致邊軍十萬人一年 險之 斗 則日國之大事不 以控引東方歲運 米之言雖 艱 所費至多 師 知勞 糗糧百 租 所 百 計 煩 曹 官 濟 都 具 日

財賦 變通之 積財而務實倉廩食有餘而財不足則 但令畿内和 印 天寶之際承平日 食將制 廢也習近利 然後恒 不失其時之所宜則輕重中 臣 術其於事理可得粗言去聚人以財 以兩家之論互有短長各申 標羨財益廣漕運雖有厚費適資貧人三 國用須權重輕食不足而財有餘則弛 羅既易集事又足勸農何必轉輸徒 而不防遠患者則曰每至秋成之時 久財 力阜殷 權 而 禄食所頒給用 國 偏 緩於積食 執 用有制 之懷俱昧 而人 矣開 命 於

關 廣 頗 内 初 錢 水運 潦 儲 20 輔 餒 斯 委 殍 運 關 之 務 倉 損 所謂操 不計 積 相 輔 地 年 斗 省 無兼 足 望 YX 田 穀 苗 米之 給 穀 斯 脚 羨財 數 屢登 所謂觀 錢 賤 月 耗 tt 於常時 說 傷農宜 厲力 年 至使郊畿之 之 儲 然 贍 數 YX 田 農之 廣 減 關 軍 近 且 散 儲 輔 米 利 漕運者 百 力口 遇連 貴 家 價 姓 有 至 而 使 間 餘 猶 稅 不 加 年之 流 銭 防 煙 也 而 倍 困 火 貞 備 穀賤 遠 毗 許 俗 過言 庶 患 早 殆 勸 其 元 所 者 絶 稼 匱 今 折 2 5 而 始 都 有 雖 有 穑 3 夏 納 也 巨 流 市 司 栗 近 用 江 江 盗 淮 何 淮

當 湖 其 無 所 穀貴了 米旣 錢宜耀 約 錢 謂 南浙 傷 用錢 此農 習 得 見聞 東浙 錢 百 民 之 且陳 中 制 三十七 困宜減 二百文計運米一 五 一十文從 事若 處 西淮 减 而 龙 不 則 四十 無米而 為京 達 價 斯 文 南等道 時宜 淮 萬 糶 可謂深失 而 已 邑所 米以 南轉運 又 者 留 耗 都 運米一 斗 也今淮 運 救 其 貯 賤今據 矣 彼 凶災今宜 總當錢三百 九 至東渭橋每斗 所 頃 而 乏兴血 南 百 者每年 存 市 其一 諸 司 ーナ 此 月 州 糴 所 估每 從 五 餒 之 米 處 船 每 餘 江 彼 脚 西

宜 等倉見米猶 蓋 罷 送 詳究源由 初 中塗力殫歲盡 運之失遂請每年轉漕米 江 因 送 至 赴渭橋 往 淮 通 陝 必每歲 江淮 新米至倉還復留納填數輪環貯運 年蟲旱關輔 州又減 邇來七 加 輸 有三百二十餘 所 般未到 般 納 三十萬 所 以增不急之費 臣 年 詳 以節 荐 機當崔造 積數滋廣臣 便取此米入運免令停滯 問 石留 級停減 河 萬石 貯 陰太原等倉留貯之意 百 太 河 所 萬 作相之初懲元琇 分貯諸倉每 原倉唯餘四十 近 陰 司 石 勘 但 以赡京 增舊 河陰太 縣 頗亦 所 例 至 師 協

當 間 多倉廪充盈隨便露積舊者未盡新者轉加歲月 此 事為言憂在京米栗太賤請廣和 計 轉運二年一斗 十有餘米價約七十以下此 估價通計諸縣貴賤并雇 闕今歲關中之地百穀豐成京尹及諸縣令頻 計猶未盡況江 耗損增甚縱絕江淮輸轉 利害運 所 務且合悉停臣竊處運務若停則 羅多少皆云可至 轉運之資足以和 淮轉輸般次不停但 船車般至太倉穀價 百餘萬石又今量定 且運此 則一年 米入關七八 羅五十比 羅以救農人臣 恐 和 雅之數 過多不慮 較 即 約 漸

停五十萬 備時要其於詳審必免 獻庶近於斯減所運之數以實邊儲存轉運之 於當代 慮貴周不以積習害機宜不以近利魔永制 鳩集理必淹遲夫立法裁規久必生樂經略之 用 百 舟 石舊例 至東渭橋來年請停二十 船 一十萬 不流患於 無用則壞爛莫修償遇凶災復須轉 從 石運二十萬 石 河陰運米七十萬石至太原倉 至河陰來年請停 他時慮遠防微是其均濟臣今 胎憂舊例從江淮諸道運 石舊例 萬石運二十萬 從太原倉運 ハナ 萬石 來年 運 漕臨 不貴 念 務 石 四 = 請

每 每 數 貫 東渭橋及太原倉收貯充填每年轉漕四十 百三十三萬貫數 並 城内及東渭橋開場和 文節級 斗 淮 百 斗八十價 已令度支巡院 足餘尚有錢一 文 循減時價五十文以救貧乏計得錢六十四 所停運米八十萬石請 計加時估價三十已 所減運 出 糶 脚 ラス 計 内請支二十萬貫付京北府 勘問諸軍州米栗時價兼 計得六十九萬貫都合得錢 以糙 百一十三萬貫文以供邊鎮 米 糴 米二十萬石每斗與 上用利農人其米 與細米分數 委轉運使於遭水州 相 萬 接 令 便 石 萬 於 縣

當 管長吏商量令計見墾之田 折 糴 次每十分 逕 計 隴郊寧慶郡坊丹延夏綏 藏 萬 市綾絹 處時價之外 平涼等城報除度支旋 於江 可 向畢若 六千貫文 羅得粟一 絶綿 淮 加加 糶 五分通計一 更加 猶 米 此 四 色 及減 合剩錢 錢 百三十五萬 即 送 倍 運米 到 作 其次每 即 十 百三十 船 萬 約定所 般送 耀供軍之外 銀靈鹽振武 恐收 脚錢請並委轉 石其 四千 十分 赴 五 耀過時請 臨邊 萬 買留充來 上 雜之數 都邊 加七 石當錢 等道 别 州 得 擬 縣 分 地 運 且貨戶 各 儲 良 鳳 早 使 年 又 其 於 備 寒 便 和 百

庫 部 城 栗 便 城 軍糧 度支官畜 堡之内 物 别 有 兵馬使與監 會 庫物 亦 應 願 用待 為 所 糶 和 取綾絹 充 揀 者 名 糴 糴 及車 用本色續 非縁 擇 亦 各量人戶墾 得米栗亦委 絁 軍 髙 勿 綿 均 城 燥 强 中 畢 牢 使許度 守絶 徵 融 四 具 色 固倉 其 般 到便 所 八此三 送請各委當道節度及 並 糧 有 田 糴 47 依 審等 支 納 令拆填其所 數并 及 官 沙 平估 承 米 和 者 同檢覆 先 糴 收 别 收 每米 價務 貯 付 训 勅 納 價 院官同受 處 封 虚 利農 分於 六升 貨 閉 直 分 立 戸部 並 仍 當管 折 限 アノ 當 仍 領 貯 納 别

報 於 萬二千五百人一年之糧來秋若遇順成又可更致 贏 所邀恢疆保境者得以遂其謀處國跳軍者無所辭 白 此傾公藏而發私積猶當悉力以務之況今不擾 罪是乃立武之根柢安邊之本源守土庇人莫急 餘萬石邊蓄既富邊備自修以討則有 錫陛下攘戎狄 糧坐實邊 無廢百事但 加 門下總計貯備粟一百三十五萬石是十 兵則不憂所至乏食以殼 一鄙 又有 於常用之內收 而 勸農販乏之利存乎其間 安國家之時不可失也陛下 其 羅則不為貪將 在費之資百萬 齊以守則 此 芸品

能 得 審 門宣心事 留睿思詳省 唐陸宣公集卷第十八 醌 自當畏威縱迷款塞之心必無猾夏之處伏惟 別狀條件分析謹同封進聽進 過聽愚計先聚軍儲慎擇良圖更真師律蠢爾 細 計 料并邊鎮分配和 而明斷之其所停減運脚臣已與本 羅數及米栗估價等數各 止 兇 司

一九十八

唐陸宣公集卷第十九 簡劣屢敢上言誠以備邊禦我國家之重事理兵足 右 備禦之大經兵不 臣歷覽前代史書旨謂鎮撫四夷宰相之任不揆 聽愚言先務積穀人無加賦官不費財坐致邊 固心地理兵在制置得所足食在戲導有方性 論縁邊守備事宜狀 書奏議 後學雙峰年羹堯重訂 理則無可用之師食不足則 太倉張泰 金壇王汝驤 **注** 基 同校 無

備採擇伏以我 統 數 恒 威 德 糧矣 者 收 逾百萬諸 無 有寇我之患必無之絕之憂守此 冗費益贍邊農則更經二年 也務 理備存史籍可得而言大抵尊即序者則曰 工具 則日非 以化要荒曽莫知威不立則德不能 而 足食之原粗立理兵之術未精敢試籌量 復 和親者則 鎮收 兵 解之也 狄為患自古有之 無以無 羅今已向終分貯軍 老 美長城者則曰 服 日 凶 + 要結可以睦 獲曾莫知德不修則 可積 其於制禦之方得 設險可 成 鄰 規 十萬 城用防艱急 好曾莫 以為 馴 也樂 人三歲 永 兵 固 知 非 制 庶

而 害措置有 於 有 恃 敗 國 アス 2 而 序式 猴稅攘 所 偏 城 異效是由 不 省 而 駮 遇之時夫中夏有盛衰夷狄有强弱事機有利 能 征 7/ 杆寇讎曹莫知力不足而人不 而 聽 去 不能有 徭 曹莫知兵不銳 秦築臨 聖化茂古 安危故無必定之 也議邊之要略盡 執常 家之說則 也尚薄伐者 洮 理以御 而宗 4 アス避 理 社 例 壘不完 其不常之勢徇所見而 覆漢武討匈 規亦 狄 則日 於斯雖 可 而 徵考歷代所 王業興 無長勝之法 則 驅遏可 過之不能勝 互 堪則險之不 相 周城 譏評 奴 アス 禁 而 行 朔 夏后 船 則 然 侵 悔 昧 驅 能

衰異 中 年 其 安 變責之不懲 國 危 微 稱 宣 宗征突 國喪 勢夷 强 異 類 而能屈 則 元 盛 於殺降 成 便 弘 亂之弊當夷 夷狄衰微而尚棄信件盟蔑恩肆毒 知其事 狄 厥 形變不 撫 膝稱臣歸心受制 之 納 而致安文景約和 安得 安得 强 而 同 而不度其時 弱異時事機之 足 え 不 不 胡 アス 狄强盛 取 可專 存而撫之即 保寧於 7 亂 一夫 推 之時圖之 七息人固境 拒 則 界禁盖 親而不能 利 2 敗 アス 則 中 而序之 附 害異情措 阻 國 其 以中 則彼 其 强盛 時 弭患於 也 也 嚮 夏 而 其 化 諭 夷 之盛 又 不 置 滅 有 當 狄

善 靖 萌 訓 信 也 於 之 而 旨 用 故 遠追雖 力足 樂之則我力不足安得不早 然 且 師 アス 夏之 其勢者 無 利 順其時 也償或夷夏之勢强 以待寇來則薄伐 アノ アノ 即 自保勢不足 侵 非 引其權心結 序 安邊之令圖蓋 雖非御 而 也古公之避 周之于攘太宗之翦亂皆乘其時 不失其 找 稱 比以出 2 といい 以遏其深入去則攘斥 狄文景之和 者 弱 善 攻 勢力亦有不 適 親 也秦皇之長城漢武之 經蓋時事 前 安得不 同 VX 降禮 終 撫之不寧威之 其交 親神 始好通 設 亦 險 得 有 禍 堯之 已 不得 縱 アス 固 而 而 不 和 降 軍 陷 然 戒 而

窮討 蹩 效 危 行 也 失 亦 國 其 任 殆 弱 志則失 即 之不變易者蓋有之矣其要 不其然欺 人從 稱 矣故 序 皆 而 有 勞費矣當降 之方 則 知其事而不度 機 成 衆則必全此 禄 日 是無必定之 知其 則 4 至於察安危之大情計成 而養寇矣有攘 構 見 亂肅宗 事 侮 夫 而不 屈 而 乃 其時者 之時務翦伐 不 中 度其 古 規 從 今 矣 亦 興 却 、時則 在 無長勝 乗 也向若 之力 撤 所 於失人 邊備 同 可 之略 用 敗 取 而 之法 以靖 物 敗 遇 附 和 之資懷畏 之大 肆 親 理 其 則 孔熾之勢 慾 得 召 之所 時 之謀 數 則 禍 而 壹 避 百 不 則 而

其侵悔 驕志復 則 所 略 安 夕 邊之策者多務於所 松出 短者 威 於所長遂使所 師 織 以寧内難於是吐蕃 圖之而其功靡就憂患未 甚中 必量事勢勢有難易事 西 輸 遠徵士馬 難是謂奪 賄幣北 國不 則驅略黎庶深 易所長者行之而 追振旅 償馬資尚 列成塩陸循不能過其奔衝 難 3 四十餘年使傷耗遺 兵釁吞噬無狀迥然 而忽於所易勉於所 暫勞而 入則震驚邦畿時 有後 不足塞其 預職 其 先力大 逸者 要不 斯 之由 煩言滿 もカ 而 敵 所 短 有 毗 脆 制 難 其 竭 而

其 總 也 而 俗 分事 草為邑居 侵 邊之謀可 之患儻或撓敗適所以啓我心 頃屬多故人勞未瘳 敵 所長 長短各殊長者不可喻短者不可企勉所 地攻其堅城前有勝負未少之 堅則先其所 敗亡此 無全功地之產者有物宜 必殆用 いり射 謂不量事勢 我 狄之所長 獵 所 易是調 供飲 長 而垂 而 如如 而務於所難矣天之授 欲廣發師 固 多馬 其所 也我狄之所長 國之本 而尤便 短必安强者 無兼利是以 而 虞後有鳃運 徒 觀釁而後動者 挫 深践寇境復 國威 、馳突輕 乃中 アス 五 乃 此 短 者 國 為 而

與結 彰吾信 精 物宜者哉將 命尋常之内 也 賤 亦 不挫 用 長矣務所 所 師徒 盟彼為 力而貴智 短而欲益兵蒐乗角力爭驅交鋒原野之間 抑攻 長 則廢豈不以越天授而違 而 耀 難 寇則嚴 欲去危就安息費從省在其慎守所 德 已若乃擇將吏以撫寧衆庶修紀律 アノ 取之議 惡殺 此為無寇之 マス 勉所短勞費百 佐威 備 而好 アノ 能 安我心彼求和 而不務報復此當今之 邇 生 術 輕 アノ 倍終於無成雖 可 柔遠禁侵掠之暴 利 地産虧時勢以 調 而重人 勉 所 則善待 忍 短 而 小 果成 校 所 而 易 勿

いる蓄 2 攻 アノ 遇 所 謂 則 多 連蹊隊 速 制 安其居 長 其 垂 方 威 就 短 乃戎 其獎 以候 捨 則 能 入寇大 非萬全不謀非 進 而後 此 用 **墨軍營謹禁防明斥候** 力寡 狄 有 之使 不戰而 2 至 務 腹背受敵之虞退有首 動俟其時而 所 其勇無所 則謀其大是以 而 元 而 見功多 屈 反 短 我 人之兵 百尅 為所乗 2 所 後 加 アス 不關寇 此中 易敵 易乃戎 斯 衆 行是以修封疆守 邀 務農以足食 謂 無 ト 其歸據險 難 國 所 倒 持戈 則財 尾 至 狄 之 用 難 則 所 掠 义 所 矛 不 長 張 救 則 聲 練 匱 難 靡 也 之 患 乘 勢 卒 而 獲 要

授 拘 熟察之臣 於 責虧度 心 常常 寇者 先練 終 其病 酱 必 必 制 信 制 任 用 財 在 其 所 也今則皆務之矣然 謀有奇 請為陛 2 兵 聞 匱 聞 行 於 謀 於暫 於 練 不 工欲善其事 詭 兵衆カ分 兵之中 必當當者未 必實實者 無定用 敵 下 而 粗陳 則 不 徇 衆 緩 所 於將 用復 無適 衆 必先 不必 r). 六者之失 情 必 應機故 盾封守 興 行故 聞 利 クタない 從 進 退 用 其器武 所 所 8 惟 事 生 死 2 信 未固寇我 任 一於不 於救 措 不必、 不必 生 有 明 唯 欲 置 便 主 誠誠 宜 急 勝 慎 均 乖 オオオ 未 則 其 機 方 聽 所 而 權 敵 課 者 懲 而

從 其 察其技能 2 故 利 此 匹 兵以 易其 權 欲備 所 可 馬 居定其志奮 非 謂 則 ん作 アス 置 勸 封 攻討之兵也 欲 宜 物 理 疆 術 馬古之善 習 而 引其善而 知 理 其 禦我 所 馬 又 馭 欲惡 其 恢 類 不 則 狄 氣 其 可 安 不 浅 非一 寧非 用之 部 勢結 不責其所不 用 選置者 アノ 保 親戚 法 其 伍 7 於 朝 制 其恩情撫之以惠 力而不違 人 安其室 情 屯戏 必量 則 驅 クシ事固當 樂 此 所 能禁 其 則 所 家然後 生 欲 不固夫 性 顧家業 其性齊 謂鎮守之 事資可久勢 其 習 能 非 辨 選鎮 則 使 則感 其 其 而 兵 情 俗 志 不 宜 樂 態 守 死 果 也 而

將 而 地 於 則 宜 沙慘 邊 惡 耕 備 防 驕 邀 强 致 臨 樂 其 其 陸 其 夜 而 勤 術 衆 則 力 所 更 目 2 實 代 アス 倚 與 於 而 自 無 威 往 斯 烽 豺 能 不 他 不 也 察 何 來 攜 狼 則 强 便 而 為 其 肅 者 其 甚 規 於 火人 故 露 情 為守 所 出 鄰 自 日 而 邊 情 有 斯 非 伍 不 不 則 備 而 怨 剽 欲 アス 之 可 於 害 戰 地 求 是 己 兵 いく 矣今 其域 之慮 鬭 十 為 廣 居 督 則 為 里 課 不 則 其 羽 蕭 晋 嬉 衞 量 者 數 足 永 而 於 遊 條 散 食 性 無 之 而 習 守 書 徽 其 休 寒 儀 不 自 考 不 則 風 風 暇 而 則 卒 荷 裂 無 其 辨 固 幼 2 用 戰 娱 益 用 而

氣 荒 覩 資奉若驕子姑 阪之苦 將冀為 慣於温 而 歸張 以嚴憲其來也咸負得色其止 乃使 敵 而 則辛 、頤待 之去 安馬 用 飽 也關東之壤 師 不 狎 親 於 不 挫 飼 亦 酸 旗手矧 僥倖 見樂 傷則將 族 息 歡 動容聆强蕃勁虜之名 老 如倩 捨 康比諸邊隅若異天地聞 園廬 者 土而 百 乘 物阜 猶 人 又 惠選 其亂 進 有休代之 甘 不 殿從軍 其 遷焉 不 期 所辛 邀之以成 也莫 2 則罕能 縣緩 期 之徒 酸 有 抗 無 則 尤被 寧其 功退 統帥 恒 固 其 漏 所 駭 絶 屈 塞 優

實 難 雖 且 每 思 我 帥 前代時或 亂幸災又甚成卒 邊 將 則投棄城鎮以摇遠 爾得之奚為平 至 兵祗備 例 兼令展効 有 身不臨邊但分偏 カ 所撓 選 勢不支 自 紀 隨 行之固非良算之可遵者也復有擁 也復有抵 綱 自 入壘者總足閉 委其渡 遂令守要禦衝恒在寡弱之卒寇 居 贖 則 適 既是無良之 近 殫耗資儲以奉浮冗之衆臨 言觀 足 犯 師俾守疆場大抵 刑禁謫徙軍城意欲增 煩於防衛諒無望於功 之心其弊豈唯無益哉 乃 配諸鎮節將旣 關在野者悉遭劫 類 且加懷土 軍 居 中 之情 内 庸 我 固 銳 地

賞 賞 恣其安躁盡其搜歐比及都府間 章 女女 陌宣な事 將 安邊之本所 將務 朝之 賞以存勤罰 妄龍祭 罰則善 罰之於馭衆也猶 則 之號令 用與 所以行 惡 既鮮克行之於軍 不用其弊一 而忠實檳抑夫 養苟度歲時欲賞一有功 相 車 以示懲勸以然有庸懲以威不恪 混而能 切在兵理兵若 街 繩 勒 也自 之所 墨之於 否莫殊用之而 如是若聰明可 項權 アス 國之典常又 服 斯 曲 可謂 移於 馬也 直權衡之於 知廣已尅獲旋 措 馭 翻 不當功 下 衆而 置 街律 慮 不 柄失 乖 能 無 重 方 功者 於 度 過 不 施 用 車型 故 1/2 朝 無 迈 則

將 壓國 旣 彰 私 効節者獲請於等夷率衆先登者取怨於士卒 旣 况 闕 帥 解 而 又公忠者直已而不求於人 功 側 相 苟媚 體 執證 欲罰 者 則 而不行稱毀復 ドス嫌 アノ 不懷 也 理合 資糧不 又 於衆例獲優崇 疑而不賞姑息之道乃至於 有遇敵 有罪復慮同惡者憂虞罪以隱 於愧畏緩救失期 辨 足 明 為詞有 朝 紛然相 而所守 廷 此義士 每為含糊未嘗窮究曲 司 不 亂人雖 復 固 反雅困 者 所 以供 陳 自 謀 アノ 欲善誰為言 マス 斯 給 痛 厄 為智能聚 而其效 心勇夫 故使 無關 敗撓者行 忍 亡身 為 靡 價 而 解 貶 所 軍

編 裨 機當 最 則 謂 備 卒 理 者 强盛 傾家、 以事 禦 涉 課責虧 日 合聲 得盡 兵少 中 無 之功重增供億之獎問 蓝為中 邊 國 破産之資兼 制 不 2 其力屯集雖衆戰 度矣課 而 數大 用若 敵 地 靡 國甚患者 遞 朝廷莫之省察唯 光 郡 責虧 斯 相 誣善者周上 而 可 有 推 7 巴 莫大 倚 謂 司 度措置 財 榷 其於内虞 無敢 鹽稅 井日 陣 於吐蕃 匱 於兵 誰 乖 而不 莫前屬每越 耗 務 何 方 酒 之利 舉 衆 徵求日繁 徵 虚 將 慙 發益 國勝 矣今 備 張 取將 不得 總 賊 其 勢 四四 兵 師 境 竭 横 所 無 斯

完識 節 靜 國 齊 任 翕 ら 得 闢 靡 進 制 則 多 退 迷 您 分人心 在 則 門蕃 韜 號令不 則 可 國 則 於 反掌 能 氣 憚 齊 鈴藝之趫 何 寇 勢 其 敵 則 醜 邊 之 疾 自 强 2 之 分 内 統 數 有 徐 則 壯 號 而 是 帥 號 敢 夫 斯 不 則蓋寡且 令 如 節 意疾徐 令 專一 敢侵 猶 乃いく 動 不 臂之使 行 則 制 不貳號 故 則 厥 中 多 1 又器非犀 門 為 理 國 也 進 如 意 退 衆 令不貳 夫 何 懼 則 指 則 統 哉 其衆而 難 アス で 弱 機 帥 良 之 必 12 為 會靡 利 制 則 アノ 進 不 退 中 不 甲 强藥 進 形 愆 敢 難 若 退 則 國 抗 堅 機 所 化 可 必 12

勢 則 陣 當 來 東 節 之前 未遑 開 疾 戏 自 西 自 徐 衰 卒 北 度 元 頃 是 失宜疾徐失宜 天 斯 至 进 而 兩 討橋 寶之間 猶 蕃 巴 乃勇廢為 則 無幾 沚 猶 屬 誘 亦 慮權 隸 國 朔 馬 湮 而 三公 控 雖 方 原 四 又 委 鎮 禦 湮 分勢散 尫 之 分 衆散 則 + 衆 原 於 西 任 朔 機 未 雕 北 羊 安定權 叛 方 為弱 盡 會不及機會不 或使兼 懷 右 兩 九 蕃 牧 光 得 河東 地 逗 污朔 附 唯 欲 建 令齊肅 撓 雕 而 朔 而 四 习 雜 節 措置 方河 擁 右 領 析 2 於 之中 度 一尚 扶 及 軍 西 其 兆 而 則 存 興 雕 可 乎 割 己 風 戰 氣 右

弱氣 優劣之科 也 揖 用 監 使 則當関 均齊 臨 氣聚則盛 讓救焚異無贴危固亦難矣夫兵以氣勢為用 以同 兵旣 其餘 消 無軍法下臨 其材程其勇校其勞逸度其安危明申練 其志而盡其力也如或誘其志意勉其藝能 故軍法無貴賤之差軍實無多少之異是 建軍若 得抗衡莫相禀屬每俟邊書告急方令計 以為衣食等級之制使能者企及否者 鎮軍數且四十皆承特的委寄各降 散則消勢合則威析則弱今之邊備 斯 可謂力分於將多矣理我之 唯以客禮相待是乃從容拯 中 要最 會

當 危考其服 詭 餘終年 月 糧所 其 雖 身例為妻子所分常有凍餒之色而關 約 平也今者窮邊之地 稱 有薄厚之殊而無觖望之豐蓋所謂 媚 相 勤 事 頒 役則勞察其臨 苦之劇 如權量之無情 厚踰數等繼 縣 安危城不 因 請遙隸 絕斯甚又有 角其 習我備怯於應 神 所 以茶藥之饋益 能則練習度其 敵 長鎮之兵皆百 於物萬人莫不安其分 不離 素非禁旅本是邊軍 則勇然衣糧 舊 所唯改 敵 懈 以疏醬之 戰 日省 東 虚 产 於服勞然 所給唯 處 傷 名 成卒歲 將 則 月 其 而 孙

處 孫 某色甲 則 廩賜之 厚績藝劣而衣食優苟未忘懷孰能 均矣 置營某時成績始終要領悉俾經綸於是觀 巴可 吳之將臣知其必不能焉養士若 而給養有殊人情不能甘也況乎矯安 之方語 以憂嗟疲人所以流亡經費所以編置夫事業 饒遂有三倍之益 凡欲 嘉而欲使其協 兵籍某人参佐要若 以所委之事令其 選任將帥 力同 必先考察行能然後 此則傳類所以念恨忠 自端 干士馬 12 以攘寇難 可 斯可 無温 用若干 否自 陳 行 謂 雖有韓 不為我 資糧 規模 指 怨生 而 其 廩 須 首 於 賜

當 閫 國 使 初 15 アノ 為 使者不疑 國容 自 其求然後 要 校其聲實若謂材 不宜貽 息是 濫當其罰者無得 之於終不宜掣肘於其間也夫 不入 將軍裁 以古 慮於其後 勞神 軍將 令不 可以覈其 之义 之遣將 在 可 於 賜鉄 也若 軍 選才端 無足取言不可行則當退 否賴 帥 兩 君 而解 7 從 鉞 者 調志氣足 命有所不受誠謂機宜 未有委任 示令專斷故軍容 君 行其賞罰受其賞者 拱 付授之柄旣專苟且 於委 親推毂 如是 任 任 方 旣 不專而望 而 略 命之日 則疑 委其事 可 77 者 施 則 自

臨 於 雖 戎 尅 斯 咎 两 能 難 軍 事 臣 敵 可 有 2 志衰 先 所 馬 明 相 矣 宜 成 始 設 懲亦 聽覽 謀 若 亦 求 持 功 使 聽命 易制 有意 事 者 固 謀 則 有 機 已 2 也 乎平 慮能 之來 若 不 踈 聽 Sy 自 所 命命 失 其 矣 所 頃 欲 間 党靖 置 遂 部 邊 周 二亦 況 一將 其 乎千 不 令 其 軍 アス 川北 事 容 難 帥 聽 分 分 去 如 命 息蓄 閩 其 權變 無遺 就 里 則 必 裁斷 之遠 爽 責 取 力 不 策 謀 於 成 輕 無 可 於 軍情 其 及 雖 承 多出宸 2 是生 而 也 九 我 義 任 夫 聖 重 俟 順 廢 虜 者 猶 無 亦 アス 2 兩 違 衷 聽 弱 亦 深 恐 疆 死 馬也 命 失 選 突 有 陳 相 則 綏 其 置直 接 乖 如 述 NY 讯 所

幸 乖 敗 於 敵 相 女口 事 於 喪 瞻 樵 救 分 風 方 婦罄 接 鎮 飇 馭 情 則 顧 者 莫 未 將 用 制 減 馬田 作 書上 用 在 百 敢 至 而 師 マス 賞 若 遮 俘 各 無 師 而 朝 聞 邀 詔 為 罰 囚 且 不 而 斯 - 憂罪 閉 賊 雖 不 旬 機 虧 可 ラ 月方 肯 其 部 壘 度 謂 旣 諸 縱 出 制 機 累 据 自 此 獲 報 失 陛 掠 鎮 全 師 用 者 守土者 於 發 下 則 退 逗 枚 而 兵 遥 財 張 歸 馬 留 又 疆 唯 匱 屯 アス 2 制 百 此 間 建 矣 為 牛 アス 2 而 乃 ア人 成 虚 寇 子班 軍 鞠 兵寡不 陳 理 大 已 十 聲 為 權 而 兵 功 將 告 應 椎 奔 軍 カ 而 由 分 措 捷 接 剽 逼 敢 己 帥 養 嗇 託 抗 置 其 旣 互 不

青青 使 膚 啗 頭 アノ アス 入募少 資新從之業又令度支散於諸道 給馬又一 糧委關內 秋之制率因舊數 革 又 就諸 給田農 アス 也蟊賊不除而 充美固 滑甘適足 壯 軍城 願 分亦令本道 水 住 河東諸軍州募蕃漢子弟 邊城者以 可得 火之器皆令充備 結造器具募人至 以養其害速其災欲求稼穑豐 但滋 而三分之其 也 删忆 臣 但出衣 徙焉其 愚謂宜罷諸道將士番 之以糞流膏肓不 者 糧加 初 到 每家 分則本道但 分委本道節 和 之歲 給 市 願傅邊軍 給 應募之 耕 與家 牛雇 耕 療 而 登 者 供 名 P

則 發 來忽往其可同等而論哉臣又謂宜擇文武能 及管内兵馬悉以屬焉又擇一人為朔方元帥應 為龍 人糧并賜種子勸之播植待經一稔 家自力農是乃兵不得不 的各選臨邊要會之州以 河東元帥河東振武等節度管内兵馬悉以屬 邠寧靈夏等節度管内兵馬悉 餘糧官為收雜各酬倍價務獎營田既息踐更 之煩且無幸災苟免之弊寇至則人自為戰時 ME 16 RE 右元帥應涇隴鳳翔長武城山南 為理所見置節度有 强食不得不足與夫 以屬馬又擇一人 俾自給家若 西道等 臣 鹿 節 倏

軋 國 虚 其 如 東 壮 有 浮 找 是。 道 道 帥 所 以宣 也 庶 而 2 府 隨 我 類 長 費以豐 部 理 所 狄 兵之 服 為 陛 謹 其 内 便 尹守 行 下 從 用 太 不 近 當 威 縣 宜 財 如 原 而 懷疆 一既得 英 是 賞罰之 定衣 今之所 外 鳳 并 聖 奉 而 荆 2 場 唯 教 糧 選 等 師 易則 典 令不 等 帥 府 律 元 不 ご 寧謐 ア人 級 之道 及 内 帥 2 考 行 諸 思 2 得 課農桑 者未 制 安 利 其 旣 置 天 郡 戸口 成 明 統 四 可 之 アス 致 和 然 俾 軍 2 而 有 六 後 理 衆 為 稍 餘 又 减 失 慎 小 者 Ry 弘 軍 也 並 者 諸 委 兹 停 亦 可 守 糧 休 侯 除 濫 慎 罷 中 任 兩

追 寇之方靜加以頻年豐稔所在積糧此皆天贊國家 在愚惟所省擇謹奏 雖 以立制垂統之時也時不久居事不常兼已過 悔無及明主者不以言為罪不以人廢言罄 陳 而


憂 奏 根 右 深旨又 處 無 重 尋 宜 亦 雖 同 任 劉曼 憂憤 共諸 斯 即 於 灼 顏奉宣進止 商 奉 然審 大體 量處置實參事體 作 謂 處交通 内 密宣旨 文書進 掌 知情 甚 絕 臣 進 好 狐 來 朝來共鄉等商量實參事鄉 退 狀 然 財 疑 アノ 當時 当品 此 社 此 絶 所 2 人 間 事 社 願 以人 稷為言又 有 交結中外意 遲 非 稷 亦 猶 事 宜 掐 1 此 迴 怨讀 有 更 重 商量又聞實參在 不 知知 卿 禮 貽念慮 可 更遲 等 誅 根尋已審 及 在 戮 力口 只合與 但 2 者 不測 罪 責事 臣 際 アノ 等 嘗 朕 面 朕 不 敢 試 彼 所 經經 承 同 回

損 更 親 至 輒 事 恩 分 況 造 於潛 累 明 欲營 在 奉 私貪饕貨財 亦 時 威 衆 叛 非 者 救 度 流 懷 輕 身 顔 細 若 異圖 富賣參 良 事 旣 道 議 何 由察 得 免 例 VX 力口 以為 未 唐 將 事 刑 3] 於 付 選 關 臣 悉 辟 起 縱 港 外 於 辭 素 忽 大 親黨此 所宜重慎實參 聖 國 推 但 衆人 聞 惡 一德特 體 分 鞠 行峻罰必 党險 義 跡 陛 則 希 亦 則 下 恐 旣 絶 朝 為之 未 難 固 2 私 意尚昧 露 定 調 廷 嫌 所 懷 人皆 同 冤誣 頃 罪 所 明 俯 、愍用 議 司 名 冀 知 奉 莫 結 天 釣 乞 愚誠 有 典 留睿 情震 T 刑 何 構 軸 刑 知 曖 頗 臣 共 謹 顧 不 2 昧 薦 等 傳 由 帖 滥 懷 聰

量岩 紫 實 宜便商量處置其實參等所有朋黨親密並不可 據 聖德含 經流則 李則之首末同惡無所 希顏奉宣進止實參結朕左右兼有陰謀皆有 側 事不暧昧只縁連及處多不 足感於庶品 謂恐事體不穩即且 近宜便條疏盡發遣 奏議實参等官狀 马人 更移向遠惡處者伏以賣參罪 務 全 事 仁 育之惠不獨幸於斯 體特寬嚴憲俯貸餘生 流 向 不至又並 僻遠無兵馬處先雖 貶向絕遠惡處實申 可推 微 地と 按卿等宜更商 細 犯誠 所議 始 不比實象 終之 合誅 官 思 馮

匿 容 須差異以表詳 有 既蒙恩於全申等亦宜減降又於黨與之內亦有 具別 並除名 則尚未究端由如據比來所行必應不至免險 直言因 然以得 之殊稍示區分足彰勸勵實榮與參雖是近屬 親 狀其實禁實申李則之等既皆同惡固亦難 恩夫 然於款密之中都無邪僻之事 罪相 配流謹具别狀進擬庶允從輕 此 漸 趨 構精嫌晚年頗見疎忌若 因法有首從首當居重從合差輕 勢附權時俗常態若無高節 明臣等商量實際更貶遠官實申 仍聞 之典 論今者 激憤 陰 亦 现心 則

將 商 應是 淪 事 今者 與薦延 能 非 敢 為穩 量除 胥罪無指 情所與連謀 甚與交親安可悉 特立不 不從或遊於門庭或結 私黨近親當 再責實祭特緣 便 同 如 未 謀 羣實參久秉釣衛特承寵渥君之所 此 審 名誰 陰 之徒 可 那 固 知 事 時 否 不 十恒七八若聽流議皆謂黨 定 别 疑懼中 從 狀 並 已連 分 有結 貶累況實<u>參罷</u>點追欲 數今若 明者 以中外或偏 構 外 坐人心久定不可 其餘一 普加 陛下親 淘 淘 殊非 譴 一切更無所 斥則 自 被 令猷 尋究審 接 现心 引 復 臣 翻 周 或 私 任 等 類 星 自 驟 孰



寺論 亦恐被 贓 竇 司 錢 顏 獄 否者謹 罪會 成 物 負 奉 叛 朕 而 奴 宣 破 覆 聞 府覆 逆皆 婢 按 至 進 國家典法 除 深 秦庶或 止 類豈 天子 廣 奏掖 凡是官 須 隱 先 沒 納 今、 鞠 其 賄 垣 參 犯 没 貨 有 欲 吏貪濁 詳 狀 使 收 抵 官 王 審 更交結謀行 于 如 人勾當 納 愛 深 是 得實情憲司 產 入官實參身 取 受錢 辟 悉 唯 恤 者 無 有 收 拾 制 異 物 兩 刑 卿 詞 科 惡 猶 可 察 並 然 等 旣 事 至 旣 謂 遠 商 徽

包含懲忽於奉憲之中念終於常情之外 法則 唐陸宣公集卷第十九 實荷皇 此 真嚴刑今若簿録其家竊 未詳而 精 一一徵 慎 明 所 罪 可 輒 法 犯蓋示懲戒 罄愚誠所 アス 既定方合徵 納 其資 產者 匪貪 祈 天鑒謹 收 貨財 恐以 叛 也 伏 逆 則盡沒 何當有罪未斷 財 惟 秦 聖 傷義 德 已存 其家姦 廣 如


問

賙

緝良 唐陸宣公集卷第二十 止令為其亡父承嗣撰遺愛碑文故送前件馬絹 位 YX 右 申情照臣先奉恩旨令撰碑文於今半年竟未級 有僥倖 田緒使節度隨軍劉瞻送書與臣其書意縁奉 以勸戒之道忠義攸先衰貶之詞春 請還田緒所寄撰碑文馬絹狀馬一匹并 書奏議 後學雙峰年羹堯重訂 而致名 稱非許力可求將使循執報者畏 太倉張泰基 金壇王汝驤 私所重 鞍 同 校 等 進

聖 位 明 而 昭 憲 類 窗し 宸嚴請 歸 亦 誨 台輔旣未能 屢嘗執 、克德 臣賊 足 姑 而莫渝怙姦妄者 壤 作力 務懷柔昨 助 子 理 納 此 頌 頌 公皆奉 遺愛微 乃先 懼豈必 翰 被 田 承 滌除 重 不 嗣 朝 見 能 胳 德 兹憲匡 臣隘 所愧 臨 音 阻 措 アス 田 龍衣食 兵 2 顧清議 緒 旣 詞 恨義 以武脅之以 使 犯 異 颠 跼實憤於心謬承恩光 光皿 命靡惡不為竟追天 投 風 而知恥 士所 情 情 臣 所 大 亦 操 所 猷 難 未安事 太息 婉 惋嗟今田 承 而 仲 刑哉衰貶 為報 又 厚 尼修 飾 而 貺 答 止 其 候 固 緒 愧 但 緣 難 詞 尚 秋 强

秦謹素 謹 暇續當撰成旣無拒絕之言計亦不至疑阻其來書 封進所送馬及網等令劉瞻便領却迴訖不敢不 护一



京兆府先奏當管蟲食豌豆全然不收請據數折 替 合免徵直道而行大體斯在府司折納充數已為村 價已上大豆每斗三十價已下京兆府所請將大 無只如螟蛾為殃豌豆全損檢覆若非虚謬地 寶放災國之令典求 真在知其所患救災在恤 傷實多傷風得財非謂理道且豌豆為物入用甚微 豆奉動宜依度支續奏稱據時估豌豆每斗七 豌豆望令據估計錢數折納則冀免損官司者 從權度支準估計錢乃是幸災窺利所得無幾其 請依京兆所請折納事狀 1 稅 其 所 納 固

計價剩徵義將安在理無所據事不可從望依前動 舊例所支唯充畜料準數迴給大豆諸司誰曰不然 處分未審可否

抵軍且 右希顏奉宣聖旨適得李萬榮奏劉士寧因出遊獵 暴慢惡貫久盈聖情愛人久為含忍親離衆叛自 撫 則 宋之間 奔亡不勞師徒克請方鎮恭承宣諭於賀實深然深 之或恐奏事之人首私所奉之將妄陳體勢輕欲 三軍將士遂閉城門不放入發遣令赴朝廷萬榮安 軍州今已寧帖即等宜知悉者伏以劉士寧昏荒 强失其人則危則弱今士寧見逐雖是衆情萬禁 議汴州逐劉士寧事狀 非朝旨此亦安危强弱之機也陛下審之 地當要害鎮壓齊魯控引江淮得其人則安 胸 慎 取

安詳望且選一朝臣馳往宣勞更淹旬日徐察事 見情而後圖之則其免有差失候至坐日續更面 如識乏經通與之籌量解不撓敗今軍州旣定足 求承前授任失宜多為此輩所誤假使心無許問 謹先狀以聞謹奏 其

與改官即等即商量進來者臣性習懦頑藝識空 地 由 辱當獎任 該匪克堪而經武伐謀或有所見夫制置之安危 希顏奉宣進止萬樂安撫有功聞亦忠義甚得衆 使且令萬祭知留後其節度制便從 勢付授之濟否由才勢如器馬唯 則覆致之夷 路授當其 請 不與李萬祭汴 待罪宰司事關安危不敢容點雖服我 選却恐事不穩便今商量除 地 則平以 則 行故負重者不可以微劣勝器 州節度使 材 如負馬唯在 在 版 内出萬祭須 所授授瑜 所置置之 親王充節 3 角 險

躁 窮 所 國 者 除害亦 繞 亮 虞 煩涉張皇 殊 任 且 止三千 極暴 置 擇 邀 異純良 者 安 可 省 非 君 有 衆 所 地 V) 而 而 所 輕 但露徽求 諸營之兵 可嘉誠宜 安而望其 而寡大器 力 又 加 易處 聞本 之 取 不容李萬祭 其 非 是滑 有巨 位 尚慮 巴甚 星 之情、 不忠 不 力 夜 顛 上 不危 逐 懷 偏 殊 而 因 傾 驕 厚當 覆 怨據 聞請擇 帥 無退讓之禮 力口 盈 人之心 重負 之難 固 而謀 亦 悖 此 州 代 閉 備 猶 難 節 頗 將 則 將今 城 矣 焉 懼 僻 其 士 敗 與之 劉 有 權 據 拒 蹶 亦 惇 兹 逐 委 所 跌 非 為 寧 鄙 陳 20 相 將 非

慶貪求 部校之 名 而克終者猶寡況 邦 縱 敗 勢負重欲濟 德 紀亂常亦必喪 緑嘗自蓄謀以危主 謂價 而不 之 固節 則 問多有疑 曲 示 軍俱為属階莫見其可今雖遽加電 者未之有 副所委者 反 側而益 保持冀消玄隱然 而 始於不善 師蹙境所以承前方鎮之任 阻之釁上 不量可濟之材處 疑奪之則 也是 則有矣其 將及居 猶置器欲安 而求 下 倩貳 不由 人上恒恐見圖 其所行不遜 觖 望 能 才 何能久安縱 而肆惡夫善 非 以義自全者 而 德 所宜 而授 不 所得 擇 命 選 必 可 終 敗 乎 於 始 無 安 能

可濟之 職 還先皇帝示者悼 般 鎮 陛 經見者 實臣請指陳汴 屋 如長 貢 河南 下若 人と作力 豪 備修左肅青齊 任 材 城 謂臣說體 將 領汴 排衆議 以為殷鑒惟 勢散 其為 不震 宋徐 不聲此 宗一管 列 而竟授之旣而 利宜斯謂大矣及 老二 泗兖 城 迁濶有 之優崇貪 陛 禍 右 機 由 鄆 弭滑魏南 T 近代成敗之 制 曹濮 覽而察之往 異軍機 興 置於 因循 維 控淮 神 御 州之 之 引喻乖 可安之 跡 無方 便易 功入 省 地 浙 者 覲 地 兵 陛 經 和 北 疎 田 神 食兼 遘 神 略 輔 付 紫 授 厲 同 功

矣 置 朝 烈 甚 滅 念。 談 近 於 暴 載 然尚號令由 廷命吳湊代 不材緩之旬時 醧 雖不 必危 帥 者 矚 厲之 深黎元 劉 陷 且為完軍 詞豈 能 元 之 五 地 郡 姑務容養適使姦徒得計庸 佐 勤身節 付授 於 已 驅 懷 之士寧亮 部部 攘 匪 制持東方 任 必 於沙 自離 人轉輸 巨猾 屬畏威 用 置之惠運路幾 义人 躓之才其為 底復大 撫 沮 頑 所 疲�� 猶 緝修戎旅 隨機制 甎 經塗 有 敢 畢 梁 所 肶 路驱 倚及元 睚素 力 即 馭指 絕 版 振耀聲 竭 鎮 敗 生人重 如兹幾 傷亦 阻 誠 非得 顧 竪 此 アス 佐 作 可 由 勢遠 揚 衆 已 残 平 殂 狂 甚 制 沒 陛

然 讓 誰 順 之於萌芽忘久遠而樂因循 韵 誠 慮之計也且為國 人萬際懷奉國之誠禀嫉惡之性棄 長用能弭争奪之禍絕窺覲之心聖人所以 曰不 垣翰之軍鞠為汗染之俗追思致患之本豈不 1年12年7 而 且哉今若又授萬榮則與士寧何異負力 服 君臣之間 然邀 逐之 暴强禮達而分定故 取 亦 勢必嫌阻 而 可矣謀其帥 除 熟為非據若邀則 之道以義訓人將教事君 與其圖之於滋蔓不若 也 固非英主御天下長 而 篡其位 假 使士寧為將 不 而違之 則 順尚 可 斯 而 慢 興 先 允 失 敬 絕 則 取 可

奪之 者 侯 滋 各計 誰 起 夫 禍 方鎮之臣 况又待之不一無 同 徒 度於成敗之勢 於 猶 不 必 亞。 未可 解體得一 難 便 倉卒諸 相 得代居其 救 服 所以未 非獨長亂之道 保徒 事多專制欲 從 郡守將 アス 夫而喪草 副 候 即變者 任 迴遑 之不 風 制 利之所在 教 固 旨陛下但於文武 加之 均黨助萬榮其能有幾 以生 皆為萬祭所誘許其賞 於 非 逆順之名安肯捐 連 帥 亦 罪 謀一 開謀逆之端 人心昨者 其 人各 何 誰 城 利之有馬 則 TV 有心 無辭若 師人亦 所 奉臣之 此 逐 四方 未協 士 源 軀 矧 盛 内 潛 弘 傾

奏展 優部 兴 竊有未安昨 必 助 一將諸 自 何 亂 一二 和惠寬敏素為軍旅所愛信者命為節度仍 輯睦之義厚賜資裝衆 慰勞彼軍獎萬榮以無定之 轉申吐慮多關遺臣 更將 殲 能為三軍既自離 ノン作力 夷陛下 道必復憎嫌適 何求終其大情 愚懇謹復密啓 因希顏宣旨却迴 何所為虞而欲受其邀致 無所親遠 心列城 一更通 理必寧息萬榮縱欲跋扈 东口 己 聞如蒙聖恩察 夕詳思恐亦 保安人且懷惠舎 又不為接緣其迫 與趙憬等同 功别加寵任衰 無所與 不勞 臣雖孱 無易 天討 納 附 怯 此 逐

後事有您素臣請受敗捷之罪謹奏 即與趙憬等商量應須處置事宜具作條件間奏儻



重 脚 充 而 和 度支奏緣當年稅草支用不充諸場和市所得又少 推 所 市草 每承唇旨常以百姓為憂審 與折錢二十五文旣 即便開場和市既優價直復及農收人皆 改作革而能當尚恐未孚動且非宜曷由無擾 止宜依者伏以制事之體所貴有常順人之情 以每 無述每年蓄聚萬葉所司素有恒規 論度支令京兆府拆稅市草事 主上、 至秋夏常有欠關請令京兆府抗今年秋 干萬束便令人戸送入城 利負人兼濟公用希賴奉宣 和 事不可行安敢 輸納每東兼車 狀 世 計料 税草 統

鎮軍之外應合入城輸納唯二百三十萬而已百 草數每年不過三百萬東其中除留供諸縣館驛及 頻 宸慮者乎延齡欲衙已能頗隳舊制的收經費之 YX 門官となる方 般 也 不勞擾陛下追想往年之事豈曾有縁草不足上 舊制何害而變之哉臣等謹檢京兆府應徵 資贏美之功遂使儲備空虚支計寥落既圍告 東仍令並送入城 運已甚艱辛常迫春農僅能得畢今若更徵一 煩聖聰去歲已然今夏左甚此乃不遵舊制之 脚則又 えた二 四倍常時物力有窮求取 即是一年 之間併徵三年 無藝 地 過 用 姓

曷 豐稔家悉阜般有草可輸有車可載然於途程往 應輸二東充耗今京畿諸縣去城近者七八十 高是使豪富之徒乘急令以邀其利窮乏之輩因 其為騷怨理在不疑甸服且然四方安仰假使時當 起い様 併役車牛雇車傭以騰貴併徵稅草買草價必倍 須淹歷歲時牛廢耕犂人妨播植東作旣闕西成 又勘度支京兆比來雇車估價及所載多少大 期況然黎之間貧富不等收穫之際豐耗靡均今 毀其家非所謂均節財物準平賦法之術 車載一 百二東每一里給傭錢三十五文百 送二十 壯 也 暴

載草百束悉依官司常估猶用錢三千五百文 限為二十五文謂之加徵則法度廢隳謂之和市 更半之而度支曽不計量自我作古徑以智應斟 舊制足可遵行何必捨易而即 收市欲少市則平其估以節費欲多市則優其價以 實乖反儻可其奏人何以觀豈如官自置場要 向二百里設令遠近相補通以百里為程則雇 東之草唯計般運已當三十有五文買草本價 人買賣旣和貧富俱便有餘者趨加饒易售之 一旦 人を万 足者免轉求貴賃之資比之 抑 難棄利而從害臣 徵固不同等幸 即 利 便 則 酉勺

モ上 勿 别 漸 旣 暗 VX 分 但 1 充 令官吏 使之均濟望委京兆尹勾當别和市草五 宜 聚度支所營業菊幾可 有 滞 付 須蓄積為 價直 科 施 10 貯備其所 恒 未見其宜 用 西巴 用歲計公免愆違陛 催遣道 時 アス 致擾若度支併市 後 估之外 備今屬歲稔亦 和市並 不得關 伏望戒勒度支令依舊 14 长 路 遮 仍 邀 稍 隨 供 稍 優饒交易往來 要 供給當年或慮水旱 但 便官 不 峻 延 是其時但要收斂 下若 抑 隄 齡必復辭 防使 自 人自當趨 以軍廐之中馬 置場每場貯 长 例和市 知懔懼妄 難須 依 百 利 萬 其 有 有 承 市 玄笛 錢 前 市 利 品品

禦 許 為合宜謹録奏聞伏聽進止 陀信な省方 相添轉徒場所般載送付苑中輸納如蒙聖思允 價直並於年支留府錢數內以給用不盡者充每 玄災度支謹守恒規亦自不關常用臣等商度將 滿十萬東一度聞奏便以府司 臣即依此宣行既免擾人又不增費以資儲蓄足 卷二、 郵 遞車牛并更雇

於瘴癘翹心望徒既關深澤許以量移企躍之情遠 右寫誦之徒皆在 未量移官及貞元六年恩後左降官等除遷改亡 須釐革望令所司據承貞元六年恩赦檢勘已量移 冀悉霑恩未審可否謹録奏聞伏 待州府申請臣等據所 年歲上 外具名銜及貶責事由年 可見若准 論左降官准赦合量移事 上上 一稽恤宥之旨下虧慶賴之心臣等商量 所司舊例 遐 1元二 僻或迫於衰暮顧景思還或 須俟州府録中盤 司 月速 報 到 報 則 北西 聽 便 進 進 書門下 擬 勘檢尋動 困



罪 性にないい 和 2 2 而 右 處臣等 自 内 伏 則愛 斯懲宥之斯感懲以致理感以致 企 里為程 頃 則受責者莫得與怨荷貸者咸 躍於舒恩不加罰於典法之外 得馳驛行下所先者體宜疾速故赦書 以國之令典先德後 因 再 為人父 奏量移官狀 郊 祀普降 誠 叨輔 以聖王之心務 異職 母必在兼 松三十 鴻恩凡是貶責之人並許量 在宣 刑所後者法當舒遲 行陛下德 行尋具奏聞請 弘慶惠必 和 思自 不 配 十四 虧 迴 上元澤 致 翔於行 理則 恩于 便進 新 所 日 故 德 尊 謂 アノ 流 移 罰 決 威 致 近

拘 録 到 左 事 未 封 13 降官 常 用棄 旨精 進 奉 者 屋へ 又諸 都 例獎 其流人量移狀已蒙印 狀陳聞伏 進 内或 有 務 於選求至今常不充備以告掩德 止 瑕 比 一竊 欲 允歸聖造 用 州 擬量移及别 罪非可棄才 以赦 臣等據 均齊令待所司檢尋一 刺史及臺省官等繼有事故 聽 書宣布 進 差 所司檢 願廣含弘之美庶增誘掖之 追 僅 用 有 欲半年 出行下記 勘左降官及流人送 足 分為三狀前月十 甄亦許 時 若 口口 更淹遲 餘兩狀 類 别 例處分 見非 頗多 狀商 量 恐 古 缺 至 乖 E 其

宜從重所以昭仁恕之道廣德澤之思也夫位尊者 禮與發德音念謫居之荒遐哀負累之沉棄俾移 惠輕則體非宜言大而實寫則人失望陛下躬行盛 其惠不可以不重言大者其實不可以不豐位尊而 及當路州縣事非穩便宜更商量伏以罰宜從輕赦 右希顏奉宣進止舊例左降官每准思赦量移不過 處將合新恩赦令初行室家相慶惠亦至矣言亦 大田二里いい進大 矣竊料寫逐窮僻喜聞需澤降臨固必破產以節 三百五百里今度進擬稍似超越又多是近兵馬處 三進量移官狀 戻ニー

即 慶之思口惠重而事實輕非所以楊鴻休而布大信 官還與舊任隣近竊恐乖陛下垂怒之意虧制書 未别改轉者且給俸料不須即停外示優於實欲羈 滿 裝計日而俟休命在華淹即復經半年儻又所移之 里永無還期縱遇非常之恩許令移遠就近雖名改 係從此已後遂為恒規 點類多非辜慮其却迴或復冤訴遂奏左降官考滿 門屋となり 也 即申所司量其舊資便與改級縱或未有遷轉亦 謹按承前格令左降官非元勃令長任者每至考 任其歸還逮于開元末李林甫固權專恣凡所斥 經與官便同長往 迴望舊

五先は正三八全住人 意 轉 則左 責 計 而密 至 アス 於 殊 横 誠有責怒而 有淺深 猜嫌之慮易惑上 降永絕 今天下咸病此法 越 移 經 非 網 馴 继 點責遂欲 則習行林甫之與法 國 致 遐 固非盡是 典舊章且貶 思 或 於歸還量移 尅 自 無精嫌 以外に 之風 西 13 祖東或從 回 積成 深苛 將 有懲沮 故高論 什 邪皆須備處王者之道 點之中情 不離 謂負譴之人悉包樂禍 險 而 天寶之亂 不能 大適 則痛 而 于僻遠蓋是姦 那 為靈 狀 無怨忌斥遠 各異犯 嫉 改 北六 11 從 時俗之語 展轉流弊 林甫之陰 乃至於斯 舊典者 有 待 臣 輕 アス 詭 3 重 然 邪 アス

見伸 長從 精詳 僧豐 患乎蓄憾如或以其貶點便謂姦亮恒處防開之中 復 何患能為亦足感傷和氣謂非帝王開懷含垢之 聖哲誘人 而 不恪甄恕以勉其自新不做則浸及威刑不 によってを 檳棄之 凡人之情窮則思變含悽貪亂或起於兹雖 漸 旣審事宜亦尋舊例祭求折衷兼務齊平大 黙 之官各移近地一道 削 力口 進敘 雖屢 遷善之良 例則是悔過者 人知 進退俱非愛憎行法 復用誰不增修何憂乎亂常 圖也臣等昨進 郡邑稍優於舊任官資序 無由自 補蘊 乃暫使左 擬商度非 才者 勉 遷 終 則 約 則 何

關畿 限 道 進 則 西巴 耶 合量 於 自 遷 恐 州 所移不 聰 2 本 副鴻思下 擾 居 則 類 縣 衛並無降 賜 移 而 但 全小 例 則 又當今郡府 過三五 以大 風 失 2 裁 校 其 土 例 審 倫 塞 高下之等若 反 州 約 署置偏併 其 延望 惡 差 擬 百 增其常秩所冀人皆受賜施 有二百 长二十 多有 於舊 亦 官 里 一繞 則 不 狀 並 許人 超 有 將 軍 州 示 未敢 越 徒 改 得 必 兵所在 道路 其有 職 疑 選非當路復 有徒家之勞是 所 改革 殊匪為 慮 而 封疆 疆域 累經移改 體 須 十二 計 謹 又 優今 少 不離 重 其遠 非 無 马山 増 若 不 幸 館 進 於 近 彌 移 驛 兵

				聽進止	下上人生
					えーー

知 守此制有用隨即却填則是邊城當貯十五萬 守乏絕及不承別敕處分並不得賴有費用若 歲順成二年之間公邊諸軍共計沒程米栗一 十餘萬石準元敕各委當道節度及監軍中使度支 減河運脚錢用充軍鎮和羅幸蒙聖恩允許又屬頻 亂之由多因飽餡不足臣以任當體國職合分憂奏 右兵之所屯食最為急若無儲蓄是棄封疆自昔敗 宣公集 巡院官同勾當檢納仍以貯備軍糧為名非緣城 糧以為急難之備永無懸絕足固軍情去歲版 請邊城貯備米栗等狀 卷二十 百八 能 堅

宜積穀今當歲稔令益軍儲反罄聚蓄之資用供 夕之費償遇災難則如之何惟陛下詳思後圖不 務廢隳且無愧畏所未匱竭其能幾何夫栽植至難 築五原大與師旅所司素無備擬臨事支計缺然齎 他日所悔臣之願也疆揚之幸也不勝區區慮患之 旱流行固宜有備我秋為患可不為虞將欲安邊先 毀拔至易古人以植楊為喻能不為之歎惜哉況水 急上聞宣旨下迫則又請貸貯栗以充將士月糧 今二年竟不支遣加以諸鎮軍食例皆關供及其告 送悉貸此糧乃得軍行辦集過事之後准敕合填追 旣

た上さり、上下		唐陸宣公集卷第二十	意謹昌昧以聞謹奏
大二十		*卷第二十	聞謹奏
1-1			

